

TSHIPIDA TSHA ZWINO

TSHA MUSHUMO WANGA

...-seledzo, ndo neta nga maanda nahone ndo fhela nungo. Huno ro vha nga maanda na vhuledzani vhanzhi ndilani, mīangano i mangadzaho, na u lumelisa Vhakriste vha tshi bva fhethu ya fhethu, u bva nthā, phasi kha East Coast, khathihī na West Coast ngomu Canada. Huno nga tshumisano yavhudzi vhukati ha zwivhidzo zwa dinomineisheni zwo fhambanaho zwothe, zwa Assemblies of God, na United Pentecostal, Church of God, Foursquare, na vhanzhi ha manwe madzangano e a shumisana, e na mīangano mihulwane. Mvelele khulwane, u ya nga hune zwi nga vhidzwa mvelele namusi, huno thañwe khamusi vhanzhi vha nga zwi vhidza "zwiulwane." Fhedzi, nne mune, ndi mu—mu—muvuseledzi. Huno mvuseledzo, ndi tshi amba nga lwa lushaka, i tsini na u guma. Huno riñe ri... Ndi takalela u vhona mvuseledzo hune mbilu dza vha muliloni, hu si u engedza mirado, fhedzi mvuseledzo. Murena washu o ita madembe manzhi a u fhodza vhathe, huno, a hu na zwiñwe, vha tshivhalo vho tshidzwa. Huno zwino nñe ndi hayani, ndi khou awela lwa tshikhathinyana tshiñku, huno ndi khou humela murahu ngomu tshumeloni nga vhege dzi si gathi, Murena a tshi funa.

² Huno zwino izwi zwi ya kha vhathe vhanzhi na khonani dzanga u mona na shango. Ndi tama u bula madekwana a ñamusi, hafha thaberenakeleni... Arali inwi, muñwe wa vhoiñwi o vha e hone huno o kona u vhona, vha a dudela zwa vhukuma thaberenakeleni madekwana a ñamusi. Vhathe vho ñala ngomu na u mona hoñhe, vho ima miñangoni, na nn̄da mimoñoroni na zwithu, huno hu a fhisa nga maanda, huno zwi do kondà nga maanda kha vhathe na nñe muñe-vho.

³ Fhedzi ndo da hafha fhethu hune nda toda u talutshedza uri ndi tshipida tshifhio tsha tshifhinga tshiné ra khou tshila khatsho u ya nga mushumo we Murena a nnea wone. Huno ndo toda u tshi rekhoa kha thaberenakele. Zwo da mbiluni yanga nga tshimedzi tsho fhiraho, fhedzi ndo lindela u swika ndo no humela murahu hafha u itela uri ndi wane u—u rekhoodwa hawo, u u rumela kha vhoiñwi vhathe vha shango.

⁴ Ho no tðoda u fhela minwaha ya furarumbili, ya musi Murena Yesu, kha dzharaña dza ñana na fuñhanu dza he nda ima hone zwa zwino, hafha kha Jeffersonville kha Tshiñaraña tsha Eighth na Penn, nga matsheloni a musi ndo vhea tombo la khuda kha iyi thaberenakele, tshifhingani itsho hu tshi kha ñi tou vha

luñwenwe. Huno ndo dzula heneffo u buđekanya ndila kha tsha monde tshanga hafha. Ho vha hu musi ndi sa athu mala. Ndo vha ndi tshi khou dzula na khotsi anga na mme. Uri Murena Yesu o mvusa nga matsheloni e tombo la khuda la vha li tshi khou yo vhewa, hu tshi ḥoda u vha nga u ṭavhanya, i tshi ḥoda u rwa awara ya rathi n̄tha ha tshithoma. Huno ndo vha ndo edela mmbeten iwa tshinwe tshifhinga, mbilu yanga yo dala dakalo, ndi tshi elekanya nga ha itshi tshifhinga tshihulwane tshe Murena Mudzimu a vha a tshi khou yo n̄nea thaberenakele ya u rerela ngomu. Ndo vha ndi tshi tou vha mutukana muswa nga itsyo tshifhinga. Huno nga ilo ḫuvha...musidzana we nda vha ndi tshi khou tshimbila nae, we a vha hu si kale a tshi do vha mufumakadzi wanga ḫwaha u tevhelaho, o vha a tshi khou yo vha na riñe nga ḫuvha le ra vha ri tshi khou yo vhea tombo la khuda.

⁵ Huno ndi elelwa ayo matsheloni musi ndo no vuwa, ndo edela lufherani, apositizi heneffha kha Seventh Street. Tshinwe tshithu tsha ri, "Vuwa nga milenzhe yau." Huno nda vuwa. Huno nda vhona, sa zwe zwa vha zwi zwone, fhethu huhulwane, huno ho vha hu tshi nga fhe—fhe—fhethu he vha vha tshi do...mulambo u tshi gidimela govhani. Huno nda swika fhasi heneffo kha mulambo huno nda pfesesa uri ho vha hu fhethu he Yohane Mulovhedzi a vha a tshi lovhedza vhathe, huno vho no u shandukisa ha vha puloto ya nguluvhe. Huno ndo vha ndi tshi khou sasaladza nga maanda, ndi tshi khou sokou ri a zwe ngo tea u itwa.

⁶ Huno musi ndo vha ndi henengei, ho vha hu na lone—lone Ipfi le la amba na nne huno la ntakulela n̄tha, huno nda dzhiela nzhele iyi thaberenakele nga tshimo tshire ya vha khatsho zwa zwino. Fhedzi ho vha hu na vhathe vhanzhi u swikela vha no tou ḫadza ngomu, thaberenakele, nga iyi nyimele, tshimo tshire ya ḥoda u vha khatsho zwino. Huno ndo—ndo vha ndo takala, ndo ima murahu ha phuluphithi, ndi tshi ri, "Mudzimu, nga ndila ine Wa vha wavhuđi ngayo u n̄nea thaberenakele."

⁷ Huno, nga itsyo tshifhinga, Muruňwa wa Murena a amba na nne, huno a ri, "Fhedzi iyi a si thaberenakele yau."

Huno nda ri, "Zwenezwo, Murena, naa i ngafhi thaberenakele yaga?"

⁸ Huno A nnzhia Muyani hafhu, huno a ndzudza fhasi kha fhethu huđuku. Huno kule fhasi ho vha hu tshi tou vha na muduba wa miri yo dzula i kha levele, i fiti dza fumbili nga vhulapfu, kana furaru. Huno yo vhonala i tshi nga miri ya mitshelo, huno yo vha i kha mabakete mahuluhulu madala.

⁹ Huno zwenezwo nda dzhiela nzhele kha tshanda tshanga tsha monde, ho vha hu na bakete li si na tshithu nga thungo inwe, huno nda ri, "Mini nga ha izwi?"

¹⁰ Huno A ri, “Ni tea u ḥavha ngomu hadzo.” Ngauralo nda kokodza davhi kha muri u yela kha tsha u la tshanga huno nda li vhea ngomu baketeni nga thungo ya tsha u la, huno davhi li bvaho kha tshanda tsha monde huno nda li vhea baketeni nga thungo ya monde. Nga u ḥavhanya ya aluwa ndilani yothe ngomu lutomboni.

¹¹ Huno A ri, “Putulula zwanda zwau huno u kuvhanganye mitshelo ya hone.” Huno kha tshanda tshithihi ha wela apula likulwane la tshirulwane, li suvhelelaho nahone lo vibva. Huno kha tshiwe tshanda ha wela pulamu khulwane ya tshirulwane, li suvhelelaho nahone lo vibva. Huno ha pfi, “Ila mutshelo wa hone, ngauri u a takadza.” Huno nda la muthihi nahone u tshi bva kha muwe, u tshi difha nga maanda. Inwi ni a dihya bono, lo nwalwa kha inwe ya dzibugu, ndi a elekanya, *Life Story*, kana *Prophet Visits Africa*.

¹² Huno nga itsho tshifhinga nda isa zwanda zwanga nt̄ha, huno ndi tshi khou ḥavha mukosi wa vhugala ha Mudzimu. Huno nga u ḥavhanya, iyo Khavhu ya Mulilo ya da phasi nga nt̄ha ha iyo miri, huno u vhomba na phenyo dza taidza, huno mimuya ya vhudzula nga maanda vhukuma, huno maṭari a thoma u vhudzula a tshi bva kha miri. Huno nda sedza kule phasi, hafha ho ima tshivhumbeo tsha iyi thaberenakele, nga ndila ye ya dzula zwino. Huno ngei magumoni hune phuluphithi ya do vha hone, ho vha hu na miri miraru, huno iyo miri miraru yo dzhia tshivhumbeo tsha zwifhambano zwiraru. Huno nda dzhiela nzhele uri pulamu dzothe na maapula two vha two kuvhanganywa nga zwigwada u mona na tshifhambano tsha vhukati. Huno nda gidima nga luvhilo vhukuma, ndi tshi zhamba ipfi langa lo ya nt̄ha, huno nda wela phasi kha tshifhambano, kana tsini na tshifhambano, huno nda posela zwanda zwanga u mona na tshifhambano. Huno mimuya ya thoma u dzinginyea, huno mu—mutshelo u bvaho kha tshifhambano, huno wa wela kha nne. Huno ndo vha ndo takala nga maanda, ndi tshi khou tou pembela. Huno La ri, “I la mutshelo wa hone, ngauri u a takadza.”

¹³ Huno zwenezwo uyu mutengelele wa Mulilo, wa ri, “Khaṇo yo vibva, huno vhakani a vha gathi.” Huno A ri, “Zwino, musi ni tshi da kha inwi muṇe hafhu, kana ni tshi bva kha izwi, vhalani Timotheo ya Vhuvhili 4. Timotheo ya Vhuvhili 4.” Huno zwenezwo nda da kha nne muṇe. Huno nda ima henefho ndi tshi phumula tshifhaṇuwo tshanga na zwanda zwanga. Huno zwenezwo ndi fanelia u vha ndo vha phasi ha bono lwa awara kana tshifhinga tsho engedzeaho, huno La ri, “Timotheo ya Vhuvhili 4.” Huno nda swikelela nga u ḥavhanya Bivhili yanga, huno nda vhalo Timotheo ya Vhuvhili 4.

¹⁴ Zwino, ndi tama u vhalo iyo zwino. Huno vhunga zwi zvisili nga ndila ine ya vhonala, vhunga ndo vhalo iyi Timotheo ya

Vhuvhili 4, fhethu he nda ima, huno zwifhinga zwinzhi zwe nda rera nga ha iyo fhano kha iyi thaberanakele, zwi vhonala zwi zwisili uri tshifhinga tshothe ndi ima kha yeneyo. Zwino kha Timotheo ya Vhuvhili 4, ndimana dza u thoma thanu. Zwine, thanu ndi nomboro ya “tshilidzi.” Ndo vhala izwi.

Ndi a u laya . . . phanda ha Mudzimu, na Murena Yesu Kristo, a no do hatula vho faho na vha tshilaho kha u do vhonala hawe na muvhoso wawe;

Rera ipfi; ima khalo nga khalañwaha, na nga nn̄da ha khalañwaha; rovhedza, kaidza, eletshedza u na u sa fhele mbilu hothe na pfunzo.

Ngauri tshifhinga tshi do da tshine vha sa do kondelela pfunzo i pfalaho; fhedzi nga u tevhela nyemulo dza vhone vhañe vha do kakatela . . . vha do kakatela vhadededzi, vha na ndevhe dzi thoñhonaho;

Huno vha do litsha u ñekedza dzindevhe kha ngoho, vha ya kha dzingano.

Fhedzi dzula wo dzivhuluwa kha zwithu zwothe, kondelela zwi vhavhaho, shuma mushumo wa muevangeli, u ite mushumo wau wo khunyelelaho.

¹⁵ Naa no no vhuya na dzhieila nzhele, huno nne na khathihi a tho ngo zwi dzhieila nzhele u swika uyu Shudunthule wo fhiraho, nne na khathihi a tho ngo vhala zwa ulwo Luñwalo u swika henefho? Ndi zwenezwo fhedzi zwe nda vhuya nda vhala zwalwo ngauri izwo zwe vhonalva vhunga zwe—zwo vha zwi zwa u swikelela thoñdea, ngauri lwo vha lu tshi khou mmbudza uri rera Ipfi na u kondelela zwi vhavhaho, na u sa fhele mbilu, ngauri tshifhinga tshi khou da musi vha sa do kondelela Pfunzo i sa lwalaho, fhedzi nga u tevhela nyemulo dzavho vha do kakatela vhadededzi, vha na ndevhe dzi thoñhonaho, huno vha do bviswa kha Ngoho vha iswa kha dzingano. Fhedzi, zwino, na khathihi Ho ngo amba uri ndo vha ndi muevangeli. O ri, “Ita mushumo wa muevangeli.” Paulo a tshi vhudza Timotheo, ni a vhona. Naa no dzhieila nzhele uri lu amba hani? Ho ngo ri, “Zwino, wo vhidzwa uri u vhe muevangeli.” Lwo ri, “Ita mushumo wa muevangeli.” Ni a vhona? Zwino, ri a dzhieila nzhele henefho tshifhingani itsho. Zwino, arali ndo vha ndi tshi do amba nga mbilu yanga yothe na nga ndivho yanga ya khwinesa, izwo zwe no khunyeledzwa kokotolo u ya nga he zwa ñwalwa. Zwe tou kokotolo. Huno izwo ndi miñwaha ya furaru yo fhiraho.

¹⁶ Huno u ya nga hune nda ñivha, uri bono liñwe na liñwe le A vhuya a nnea lone lo khunyelela, nndani ha ilo liñwe la uri ndi a shandukiswa kha mushumo wanga, u ya hune nda tea u rabelela vhathu fhethu luñuku vhunga lufhera luñuku fhasi ha dennde, kana oditoriamu khulu kana tshinwe tshithu. Yo vhonala, kha nne, vhunga dennde. Inwi ni a elelwa izwo, miñwaha miñhili kana miraru yo fhiraho? Kha zwinzhisa zwe khunyeledzwa. Ndo

vha ndi wa u tsela fhasi Mexico, na uri i do na hani uvho vhusiku na zwine zwa do itea henengei fhasi. Huno A mmbudza nga ha mushumo wanga wa Mururo wa u Thoma. Elelwani nga ha u farwa ha khovhe ḥukhuthukhu, kana u si tsha i wana? Ya vhuvhili yo vha i khovhe ḥukhu. Fhedzi zwenezwo A mmbudza, “Kha Mururo wa Vhuraru, u songo kundelwa. U a vhona? Huno u songo vhudza vhathu.” Nne tshifhinga tshothe ndi khou lingedza u ḥalutshedza zwine nda khou lingedza u ita. U a nn̄divhadza uri ndi songo vhudza vhathu zwine nda khou ita. Ndi tou ita zwine A mmbudza uri ndi ite huno nda zwi litsha zwi zwothe. Ni a vhona?

¹⁷ Fhedzi nne ndi ulwo lushaka lwa muthu, a thi na zwiphiri, ngauralo ndi tou amba tshiñwe na tshiñwe tshine nda ñivha. Ngauralo, ulwo lu—ulwo lu tou vha lushaka, ndi a humbulela. Fhedzi izwo, ndi a lingedza... Ndi funa vhathu, huno ndi ḥoda vhathu vha tshi tshidzwa nga maanda u swika ndi tshi lingedza u vha vhudza tshiñwe na tshiñwe tshine nda ñivha, nn̄dani ha musi hu tshiñwe tshithu tshe A mmbudza uri ndi songo amba, a hu na zwiñwe, u itela uri zwi sa vha pfuke. Ni a vhona? Ndi ḥoda vhone vha tshi tshi vhona tshi tsini lune ha sa do vha na vhukhakhi khatsho.

¹⁸ Zwino, izwo zwi da u khunyelela zwe tou kokotolo. Zwino elelwani, ndayo yo vha i ya uri, arali ri tshi do guda izwo lwa tshikhathinyana, “Ndi a ni laya phanda ha Mudzimu, na Murena Yesu Kristo, A no do haṭula vha tshilaho na vho faho kha u do vhonala Hawe kha Muvhuso Wawe.” Ni a vhona? “Haṭulan... Ni laya phanda ha Mudzimu, na Kristo, uri ni—uri ni rere Ipfi.” Huno ngauralo nthuse, u swika kha vhuno vhusiku, u ya nga hune nda vha na ñdivho yazwo, a thi athu rera tshithu nga nn̄da ha Ipfi, ni a vhona, huno nda dzula henehfo Nalo. Ho vha na vhuleme vhunzhi, huno ndo no fhira nga kha mitovholo minzhi na milingo minzhi, nda tea u fhandekana na khonani nn̄zhi dza vhuthogwa nga nthani ha itsho tshitatamende, “Rerani Ipfi.” Huno ndo—ndo ralo.

¹⁹ Inwi ni a elelwa kha bono, kana, ḥalutshedzo thukhu vhunga ndi tshi nga i vhidza nga u ralo, zwa zwenezwino, he nda dzhiwa huno nda vhona avho vhathu huno nda sedza murahu kha nne muñe na avho vha dzimilioni henengei. Huno nda ri, “Ndi ḥoda u vhona Yesu.”

Huno A ri, “U nthanyana.”

²⁰ Zwe luga, ni a vhona, musi vhathu vha tshi fa, a vha—vha ḥavhanyi vho ya nthia na Mudzimu. Zwino, inwi, nne ndi na ngoho ya uri ni do pfectesa izwo. Khamusi ndi tea u zwi ḥalutshedza lwa khwinesa lune ndi nga kona. Naa zwenezwo no dzhaya? Kha ri dzhie tshifhinga tshashu huno—huno—huno ri lingedze u zwi ita uri zwi pfale u ya nga hune nda kona.

²¹ Zwino, musi ri tshi da, ri elelwa uri ri tshila hafha kha masia mararu. Huno a thi ñivhi uri kana ndi nga a rina kana hai.

Tshiñwe tshao ndi tshedza, huno tshiñwe ndi metha. Tommy, ni a evelwa uri ḥa vhuraru ndi mini? [Muñwe muthu u amba tshiñwe tshithu—Mudz.] Huh? ["Athomo."] Athomo? [Muñwe muthu-vho u ri, "Tshifhinga."] Tshifhinga. Ndi zwone. Zwino, tshedza, metha, na tshifhinga. Huno nga zwipfi vhūtanu ri kwama aya masia. U vhona hashu hu kwama tshedza, vhūdipfi hashu vhu kwama metha, na zwiñwe-vho.

²² Zwino, fhedzi ri na u kwama nga kha saints, sia ḥa vhuna, vhunga lo vha lo ralo. Ngauri u da nga kha itsi tshifhaṭo zwino hu da zwifanyiso, maipfi a radio, zwifanyiso zwi re kha thelevishini, zwine zwipfi zwashu a zwi kwami izwo, fhedzi naho zwe ralo zwi na tshu—tshupu kana khirisitala i no doba magabelo a eṭere huno ya a vhonadza. Ngauralo, inwi ni a vhona, heneffha kha itsi tshifhaṭo zwino ndi nyito dza vhatu dzi tshilaho, muyani, maipfi a tshilaho. Vha fhanu. Ri a dzi divha. Dzone zwa vhukuma ndi ngoho. Huno tshithu fhedzi tshire na ita, vha—vha dzi fara kha... A thi pfeſesi mekhanikhe wa—wa izwo zwithu zwe saints, ya zwi tumbukisa, fhedzi ri a ḫivha uri zwi phuruvela riñe uri hu na sia ḥa vhuna.

²³ Zwino, sia ḥa vhūtanu ndi hune muitazwivhi, a sa tendi a fa huno a ya hone. Sia ḥa vhūtanu ndi, lushaka lwa, zwe luga, sia li ofhisaho. Zwino uyu munna...

Huno musi Mukriste a tshi fa, u ya kha sia ḥa vhurathi.

Huno Mudzimu u kha sia ḥa vhusumbe.

²⁴ Zwino zwenezwo, inwi ni a vhona, Mukriste musi a tshi fa, u ya phasi ha alitari ya Mudzimu, heneffho ngomu Vhuhoneni ha Mudzimu, phasi ha alitari. Huno u kha vhuawelo.

²⁵ U zwi kwashékanya, musi munna a na muloro, ho ngo edela tshoṭhe, nahone ho ngo karuwa. U vhukati ha khofhe na u karuwa, huno izwo ndi zwone zwi no mu ita a vhe na u dzinginyea hu ofhisaho na u zhamba, ngauri ho ngo edela, o karuwa. Huno u dzhia izwo, zwi sumbedza hune munna a ya musi a tshi fa a songo rembuluwa. O tshila tshifhinga tshawe, o fa kha lifhasi; huno a nga si kone u ya Vhuhoneni ha Mudzimu, ngauri ho ngo tea u ya heneffho nga nn̄da ha Malofha. Huno o farwa. Huno a nga si kone u vhuya kha lifhasi, ngauri tshifhinga tshawe tsho fhela hafha kha lifhasi, huno o farwa vhukati, huno u kha muloro. Ni a vhona? A nga si kone u ya Vhuhoneni ha Mudzimu, u awela. Huno a nga si kone murahu, u da kha lifhasi, ngauri tshifhinga tshawe tsho fhela. U kha muloro, huno heneffho u a dzula u swika nga ḫuvha ḥa khathulo. Tshithu tshi ofhisaho u vha ngomu hatsho, ni a vhona.

²⁶ Huno zwino kha ili bono, ndi a tenda uri ndo vha ndo farwa kha ilo sia ḥa vhurathi, ndi tshi sedza murahu ngeno phasi huno nda kona u vhona murahu. Ni a vhona, u vhona a u tou vha kokotolo nga maṭo, uho ndi ha shango. Fhedzi u vhona ndi tshithu tshihulwanenyana u fhira... U vhona hune vha vha naho

hangei, u kwama havho hu fhira kule huňwe hu kwama hune zwipfi zwa mvelo zwashu zwi nga kwama.

²⁷ Fhano nga tshiňwe tshifhinga tsho fhiraho ndo vha ndi tshi khou zwi ḥalutshedza. Ndo vha ndo sedza tshifanyiso tsha thelevishini he vha vha tshi tsitsela munna fhasi, ndi elekanya uri maela mbili kana maela u tsa fhasi ḥanzheni, huno vho vha vhe na mbone dza masasaladzi dze dza bva. Dzo vha dzi tshi khou sumbedza vhutshilo ha lwanzheni. Huno heneffo ha da khovhe, izwo zwivhumbwa zwi ofhisaho. Izwo, ndi vhukati ha vhusiku, inki ntswu fhasi heneffo. Huno vho vha vhe na fosiforo ningoni dzavho huno vha si na maťo. Zwino, vha tea u kanzwiwa, ngauralo zwe vhonala u nga ri, u wana zwiliwa zwavho, vho vha vha tshi endedzwa nga tshiňwe tshipffi; hu si u vhonala, ngauri vho vha vha si na maťo, a vho ngo kona u a shumisa ngei fhasi. Fhedzi vho vha vho endedzwa nga tshiňwe tshipffi tshe vha kona u kwama zwiliwa zwavho. Huno nda elekanya, “Arali ndi tshi nga vha na ndango ya iyo khovhe ḥukhu nga u vhonala hanga, ndi zwihiulwane zwinngafhani zwe nda vha ndi tshi nga qisedza zwiliwa zwave huno nda mu ranga phanda u ya kha mafhethu, ndi zwihiulwane zwinngafhani zwine u vhonala hanga ha vha zwone u fhira radara yaye ine a i kwama.” Ni a vhonala? Huno nda elekanya, “Arali ndo vha ndi tshi nga mu ranga phanda!”

²⁸ Zwenezwo zwa da kha nne, “Arali ndi tshi nga tou dinedekza kha Mudzimu, ndi zwihiulwane zwinngafhani u vhonala na zwipfi zwa Mudzimu, Ane a nga ri endedza nga maanda u fhira zwithu zwine ra zwi vhonala, ngauri lutendo lune A’ ri qisedza ndi vhutanzi ha zwithu zwi sa vhonowiho nga maťo ashu.” Zwenezwo arali iyo khovhe ḥukhu yo vha i si nga di nga n̄tha ha madi vhunga dziňwe khovhe, ngauri i ḥewa mutsiko. Inwi ni tshi i disa, i do thuthuba. A hu fhiri u ya n̄thanyana ha riňe huno ra dzulela u thuthuba. Ri ḥewa mutsiko kha fhe—fhethu hune ra dzula.

²⁹ Fhedzi zwino arali iyo khovhe ḥukhu i tshi nga vhuya ya da n̄tha hafha huno ya vha nne, naa i do vhuya ya ḥoda u vha iyo khovhe ḥukhu hafhu fhasi kha uvho vhutswu ha vhukati ha vhusiku? I nga si ḥode u vha khovhe na luthihi, ngauri i tshiňwe tshithu tshi re tshihulwane u fhira khovhe, ndi yone munna; zwipfi zwayo ndi zwihiulwane, pfecto yayo ndi khulwane, vhutali hayo ndi ha n̄thesa. Zwenezwo andisani izwo nga milioni dza fumi, zwenezwo ni wana zwine zwa vha zwone musi ni tshi bva kha izwi na dzhena Vhuhoneni ha Mudzimu hangei, hune muthu a vha nga maanda kule u fhira zwine ra vha zwone fhano. Inwi ni nga si ḥode u vha muthu ngaurali na luthihi, fhasi kha iyi thumba ya vhulwadze na u tshinyala. Zwi vha izwo mbiluni yanga, uri ndo lingedza iyi miňwaha ya furaru u rera Mafhongo-madifha u mona na shango, u vhudza vhatthu uri hu na Ṭadulu li no tea u—u waniwa huno hu na vhudzulavhafu vhu no tea u tinyiwa, huno hu na Mudzimu a no ni funa, na maanda

a—a rengululaho o dzulaho o lugela u ni doba nga tshifhinga tshiñwe na tshiñwe tshine na vha uri no lugela u zwi ḥanganedza.

³⁰ Vhunga munna a tshi khou ɿupela, thambo yo nembelelaho heneffo, u a elekanya, “Zwo luga, thambo, ndi nga kona u dikokodzela nnda, fhedzi a tho ngo fanela u wana thambo.” Thambo yo vhéwa heneffo u itela iyo ndivho, uri inwi ni dikokodzele nnda ngayo. Itshe ndi tshone tshiitisi Yesu Kristo o fa, u itela yeneyi ndivho ya u tshidza vhatazwivhi. Huno O nembeledza thambo ya Vhutshilo Vhu Sa Fheli, ine nga vhuno vhusiku ya ño fhira nga n̄ha ha ḥoho ya muitazwivhi muñwe na muñwe ngomu hafha, huno tshiga tsha u ḥanganedza nga dakalo tsho nembeledza khayo, “Ibvani khaho.” Arali—arali inwi—arali inwi ni tshi tama u zwi ita, ndugiselo i a itwa.

³¹ Zwino, musi ndi tshi vhona afho fhethu na iyo nyimele ye avho vhathu vha vha vha khayo, na uri hani seli ha tshiñwe tshithu ɿi shango li nga vhuya la elekanya nga hazwo, zwo vha zwi zwa vhugala. Hu nga si vhe na tshivhi heneffo, a hu na lufu kana tshiñwe tshithu tshine tshi nga dzhena afho fhethu. Huno ho vha hu si na phambano vhukati ha munna na vhasadzi, thanga fhedzi—dza vhudzekani dzo vha dzo ṭuwa khavho, huno na khathihi hu nga si tsha vha na vhupombwe, ha si tsha vha na tshithu. Fhedzi o vha a tshi kha ñi vha musadzi nga ndila ya tshivhumbeo, huno munna o vha a tshi kha ñi vha tshivhumbeo, huno vha ño vha nga iyo ndila lwa lini na lini. Ngauri musi Mudzimu . . .

³² Zwino izwi zwi nga ñi vha zwavhuði, vhañwe vha vho inwi vhana vha tshikolo tsha n̄ha vha no khou wana izwi zwithu vho ni funza nga ha u bvelela ha zwithu. Zwino, ndi tenda kha u bvelela ha zwithu, fhedzi hu si nga ndila ye muthu a bvelela a tshi bva kha—a tshi bva kha mufuda wa fhasi. Theori yavho i vhuya khavho musi vha tshi lingedza u ḥanganyisa tshiñwe tshithu, tshi nga si ñibebele murahu. Ngauralo, inwi ni a vhona, tsho—tsho vhuyelela khavho.

³³ Zwino, ndi a tenda uri musi Mudzimu a tshi thoma u ḥambisa lifhasi, khamusi tshithu tsha u thoma tshe A ita tsho daho tsho vha tshi khovhe ya dzheli, huno u bva kha iyo tshidula, na u ya phanda n̄ha. Fhedzi, inwi ni a vhona, tshi isa phanda na u da tsini na tsini ha tshifanyiso tsha muthu, huno muthu ndi tshivhoniswa tsha Mudzimu. Huno itshe ndi tshone tshi itisaho uri hatsi vhu bvelele, khamusi hatsi, huno u bva kha hatsi hu ña maluvha, u bva kha maluvha hu ña zwiri, u bva kha zwiri hu ña muri. Ndi ngani? Ndi tshifanyiso tsha Muri wa Vhutshilo wo ima kha liñwe sia. Huno tshiñwe na tshiñwe kha ɿi sia tshine tsha vha uri ndi tsha mupo ndi murunzi wa tsha N̄ha Ha Mupo kana tsha U Ya Nga Hu Sa Fheli kha liñwe sia. Ngauralo-ha, samusi hu na Mukriste o bebwaho hafhu kha lifhasi, huno ri na muvhili wa u rali, ndi tshenetsho tshivhoniswa tsha uyo o lindelaho kha liñwe sia hune ha sa vhe na lufu na mañtungu. Huno izwo ndi

zwine zwa ita mbilu dzashu uri dzi farwe nga ndala ya zwi no nga zwezwo. Ni a vhona, hu na tshiñwe tshithu ngomu hashu tshi no vhidzelela. Riñe ri tou... Hu na tshiñwe tshithu tshi no ri vhudza uri tshi hone. Ndi a tenda uri nga kha iyi miñwaha... Ndi humbelo pfarelo phanda ha Mudzimu na vhathu, nga u vha tsilu na u vha... u ita khakho nnzhi. Fhedzi nga kha iyi miñwaha minzhi ndo tondwa u vhona miljioni nnzhi dza vhathu vha tshi dzhena ngomu Muvhusoni wa Mudzimu, huno ndo vha a livhuwaho Murena u ntendela u vha ranga phanda u ya henengei. Huno ndi a tenda uri vha do vha henengei nga ilo duvha.

³⁴ Zwino, bono lo khunyelela. Huno uri ndi swika hune nda vhuya nda ima, ndi sa qivhi, kha iyo ndima ya vhu5. Ndi zwenezwo fhedzi zwe nda vhuya nda vhala. Fhedzi hu na zwo engedzeaho kha iyo ndima, ndimana dzi re na tshivhalo. Zwino, inwi ni nga di ralo, kha lufhera lwañu lwa hodela kana haya madekwana a ñamusi, nga u ḥavhanya ri tshi balangana, vhalani zwo salaho zwa iyo, ngauri ndi na Mañwalo a re na tshivhalo o ñivalwaho hafha ane nda ḥoda u amba nga hao, na notsi dzine nda ḥoda u amba nga hadzo. Huno ndi ḥoda inwi ni tshi zwi vhala musi ni tshi ya hayani. Ndi do zwi redza, zwi do vha kha theiphi. Inwi ni ḥoda u swaya zwiñwe zwazwo, mulandu, zwi do luga.

³⁵ Zwino, naa ni a tenda uri vhanna na vhasadzi, zwine nda qivha uri ni a ita, vha rangwa phanda nga Muya wa Mudzimu u ita izwi zwithu? Ni a vhona? Huno Yesu o vha e phatheni yashu. Arali ni tshi do zwi dzhiela nzhele, ndi ḥoda u fhenda, inwi ni fhende na nne, kha Luka Mukhethwa, ndima ya vhu4, lwa muniti fhedzi. Huno ndi ḥoda u ni sumbedza tshiñwe tshithu tshi mangadzaho. Huno u tou itela uri ri si wane idzi tsumbedzi dzo qalesa, fhedzi uri ni do kona u dzi vhala na nne hafha, ngauri kha iyi inwe, lwa zwikhathinyana zwi si gathi. Luka Mukhethwa, ndima ya vhu4 na ndimana ya vhu14, ri a thoma. Zwino sedzani nga vhuronwane vhukuma hafha arali ni tshi ḥoda u vhona tshinwe tshithu tshi tshi bvelela, izwi zwi a fana. Zwino dzhielani nzhele.

Huno Yesu a vhuyelela nga maanda a Muya ngomu Galilea:...

A vhuyelela nga maanda a Muya ngomu Galilea: huno heneho phungo yawe kha madzingu othe u mona hothe.

Huno a funza sinagogoni dzavho, a tshi ñewa vhugala nga vhothe.

Huno a da Nazaretha, he a alutshela hone: huno, sa ndowelo yawe ya vha yo ralo, a dzhena sinagogoni nga duvha la sabatha, huno a ima uri a vhale.

Huno a newa bugu ya muporofita Yesaya. Huno musi o no vula bugu, a wana fhethu he ha ñwaliwa, ha ñwaliwa,

Muya wa Murena u kha nne, ngauri ene o ndolisa u rera mafhungo-madifha kha vhatshinyali; huno o

nthuma u fhodza vha mbilu dzo pwashakanywaho, na u rera thengululo kha mathubwa, na u bonyolosa maṭo a mabofu, huno vha shengedzwaho ndi vha vhofholole, avho vho khudzulwaho.

Na u rera ñwaha u ḥanganedzeaho wa Murena washu.

Huno a vala bugu, . . .

³⁶ Zwino, arali ni tshi ṭoda, arali ni tshi ṭoda tsumbedzi kha izwo, ndi nayo fhano, lwa tshikhathinyana, arali ndi tshi nga i doba kha u vhala lukomboni hafha. Arali ni tshi dzhiela nzhele, izwo na zwone ndi zwine na do zwi wana nga hangei kha Marko na mafhethu o fhambanaho, fhedzi kha Yesaya 61:1 na ya 2. Zwino, a si zwisili uri O ima heneffho, huno ndimana yeneyo i tevhelaho . . . Izwo ndi zwe zwa shumiswa kha u da Hawe ha u thoma. Huno ya vhuvhili, ndimana i tevhelaho, i shumiswa kha u Da Hawe ha Vhuvhili, kha khaṭhulo. O ima huno a vala bugu. Arali muñwe wa vhoiñwi a tshi khou vhala Scofield Bible, ni do wana tshipida tsha luñwalo khayo heneffho. Ni a vhona? Sedžani tshipida tsha luñwalo tshanu, luswayo kha tshipida tsha luñwalo, ni a vhona, huno ni do dzhiela nzhele heneffho. “Mbamedzo na mu—mulaedza wo redzwaho, kha Yesaya 61:1 na ya 2, i tendela tsumbo ya . . .” Hune, Luñwalo hafha, a tshi rera, Yesu o vha a tshi tea u rera ñwaha u ḥanganedzeaho wa Murena; huno ndimana i tevhelaho i a bva na u Da Hawe na khaṭhulo. Ni a vhona? Huno inwi ni a vhona uri O ima hani kha iyo.

³⁷ Huno nga ndila ye nda sa dzhiela nzhele izwo, na uri nñe tshifhinga tshothe ndo ima hani kha iyi ndimana ya vhu5, “Ngauri tshifhinga tshi do da tshine vha sa do kondelela Pfunzo i pfalaho, fhedzi vha do kakatela vhadededzi, vhe na ndevhe dzi ḥothonahoh, huno vha do bvista kha Ngoho vha ya kha dzingano. Fhedzi ita mushumo wa muevangeli, vhushumeli hau u vhu ḥadzise.” Ni a vhona? Huno nga thuso ya Mudzimu na tshilidzi ndo lingedza u ita izwo. Huno ndi ṭoda khonani dzanga, hothe fhano na nn̄da ngomu mashangoni ane theiphi dza do ya, tsho itisaho uri ndi dzhie vhuiamo vhune nda vha naho u itela Ipfi, itshi ndi tshone tshiitisi. “Rera Ipfi.” Itsho ndi tshone tshi no itisa uri ndi si kondelele iñwe ya dzindaela, iñwe ya dzidinomineishemi, ngauri ndo newa ndaela nga Mudzimu u dzula na Ipfi. Zwino arali nnyi na nnyi-vho a tshi ṭoda u ita tshinwe tshithu-vho, izwo zwi khavho.

³⁸ Huno arali na dzhiela nzhele, kha bono le nda vha na lo nga ha mushumo wanga, ho vha hu uri na khathihi a thi athu budekanya iyo miri. Na khathihi a tho ngo ṭoda ḥundu. Na khathihi a tho ngo amba, “Vhoinwi vha vhuraruthihi nothe ivhani vhuthihi” kana “vhoinwi vha vhuthihi ivhani vha vhuraruthihi.” Ndo ḥavha kha midzio yavho. Zwo tou kokotolo. Nda ya kha wa vhuraruthihi, nda ya kha wa vhuthihi, nda ya

kha muñwe na muñwe, huno nda dzula vhukati huno nda sa vhe murađo wa muñwe wavho; fhedzi nda dzula vhukati, ndi mukomana, zwezwo kokotolo zwe bono la amba uri ita. Huno ndo la mutshelo u bvaho masiani othe, tshidzo masiani othe.

³⁹ Huno zwino, no dzhiela nzhele, hu na vhathu vha vhuraruthihi vhanzhi vho dzulaho hafha, huno hu na vhanzhi vha vhuthihi, huno hu na vhanzhi vho fhambanaho. Fhedzi ni do vha muñku hani u taña khani nga hazwo, ngauri arali itsyo tshipida tsha bono tsho vha tshi ngoho, tshiñwe tshipida tshi ngoho, na tshone-vho. Mitshelo yothe yo wanala tshifhambanoni. Ni a vhona? Yothe yo vha i tshifhambanoni, yothe yo kuvhangana fethu huthihi, huno pulamu na pwere, kana beregisi, dzipulamu na maapula o nelwa fhasi kha nne heneffo. Yothe yayo. Yothe yo wanala tshifhambanoni, ngauri yothe yo tenda kha Mudzimu huno yo dala Muya Mukhethwa, huno i na mishumo ya Vhukriste na zwiga zwi no tevhela.

⁴⁰ Zwino, dinomineisheni i nga si ite tshithu nazwo. Hu do vha vho bebwaho hafhu vhane vha do ita tshithu nazwo. I do vha tshenzhemo yanu na Mudzimu ine ya do vha na mushumo nayo. Zwino, ri vhona two dalaho zwa izwo. Ndi na Mañwalo o vhalaho hafha ane nda do takalela u amba nga hao. Khamusi ndi do ralo ngavhuya zwiñku.

⁴¹ Fhedzi zwino ndi ḥoda u ni dzhia kha ndimana ya vhu5, u ya fhasi kha ndimana ya vhu18. Huno zwino u vhulunga tshifhinga, a—a thi nga i vhalo. Fhedzi zwino Paulo, a tshi thoma nga hangeno kha Timotheo hafhu, arali ni tshi dzhiela nzhele ndila ye a thoma u amba, zwi pfisa vhuñgu. Zwino arali ni tshi dzhiela nzhele nga murahu ha ndimana ya vhu5.

Ngauri nne zwino ndo lugela u itwa thevhula, huno tshifhinga tshanga tsha... u ḥuwa tsho sendela.

A tshi ḥoda u ḥuwa vhuponi. U a thoma, ni a vhona, “ndo no...” Zwo luga, sedzani. “Tshanga...”

...ndo lugela, huno u ḥuwa hanga ho sendela.

Ndo lwa nndwa yavhudzi, ndo vuledza mbambe yanga, ndo vhulunga lutendo:

U bva zwino ho vhevwa khare yanga ya u luga, ye Murena, muhatuli wa u luga, a do nñea nga ilo ḥuvha: huno hu si nne fhedzi, fhedzi... avho vhothe vha no funa u vhonala hawé.

⁴² Huno zwenezwo u bvela phanda u amba, “Itani zweyhe, itani izwi zwithu.” Mini? Uri ene a ñise badzhi. Zwino ri a thoma nga u tavhanya, huno u ri:

...Dema o nñutshela,...

⁴³ Hu fanela u da tshifhinga kha mushumo wawe musi o vha e muevangeli muswa, muporofita muswa, muñwe na muñwe o vha

a tshi mu takalela. Fhedzi zwino ni a dzhieila nzhele fhasi ngomu hafha, o ri:

...*vhanna vhothe* vho furalela *nne*:... (U itelani?
Ipfi.)

⁴⁴ Musi Yesu, Muporofita muswa wa Galilea, O wana tshifhinga huno A furalelwa. Vhanna vhothe vha no dzula na Ipfi la Mudzimu vha swika afho fhethu hune vha furalelwa nga shango na shango la vhurereli. Yesu o kanzwa vha zwigidi zwiṭanu, liniwe duvha, huno vha doba mimanngi yo ḥalaho nga—nga matshakatshaka a zwinkwa zwiṭanu na khovhe mbili. Huno duvha lenelo li tevhelaho, ndi a tenda uri lo vha li lone, U thoma u tsela fhasi na ipfi, huno vhothe vha thoma u ṭuwa Khae. Huno A sedza u mona hothe kha vhafunziwa, huno a ri, “Naa ni do ṭuwa, na vhoinwi?” Na vha fumisumbe Vha vhashumeli vho odeiniwaho Vhawe vha Mu ṭutshela. Huno A ri, “Naa ni do ṭuwa, na inwi-vho?”

⁴⁵ Huno zwenezwo Petro a amba ayo maipfi a songo ḥoweleaho nahone a ndeme, nga u ri, “Murena, naa ri nga ya ngafhi? Iwe fhedzi u na Vhutshilo Vhu Sa Fheli.”

⁴⁶ Dzhielani nzhele. Fhedzi tshifhinga tshi da musi tshifhinga tsha u furalela tshi tshi da, huno tshi—tshi tea u da. Tshi fanela u da. Huno zwino ndi na vhaporofita vho vhalaho na zwithu ngomu hafha zwine nda do amba nga hazwo, u ni phuruvela uri itszo tshifhinga tshi a da. Huno tsho swikela nne. A hu na ḥodeea ya u tshi shavha, tshi fhano huno ni fanela u tshi dzhia. A vho ngo tshi shavha, vho ima huno vha tshi dzhia, huno vha sa ofhi Mafhungo-maqdifa.

⁴⁷ Inwi ni a dzhieila nzhele Paulo, “Ndi lwa nndwa yavhuđi. Ndo vuledza mbambe yanga. Ndo vhulunga Lutendo.” Yawee, nnene! Fhasi hafha yo ri, “Ndo lwa na zwivhanda. Huno ndo—ndo rengululwa mulomoni wa ndau.” Huno zwithu zwe a zwi yela, Mudzimu o vha e wavhudzi khae. Fhedzi tshifhinga tsho no da tsha musi o vha a tshi khou yo ṭuwa.

⁴⁸ Zwino, kha ri tou mangala, naa munna o vha a tshi do, mushumeli, ḥowelana vhunga zwe Dema a vha e zwone kha Paulo, a vhuya a ṭutshela Paulo?

⁴⁹ Inwi ni a divha Mukomana Baxter, vhanzhi vha vhoinwi ni a mu elelwa. O vha a tshi anzela u vhala... Ho vha hu nga ha Dema. O ri, “Inwi ni a elelwa zwine nda khou yo ita, Mukomana Branham, musi ndi tshi ya Tađulu, tshithu tsha u thoma tshine nda khou yo ita?”

Huno nda ri, “Mini?”

⁵⁰ A ri, “Ndi khou yo tshimbila heneffo n̄tha huno nda wanulusa uri Dema u ngafhi, ndi khou yo mu mangadza nga maanda u ya nga hune nda kona.” Huno a ri, “U khou yo rembuluwa huno a ri, ‘Baxter, naa izwo ni do zwi itela mini?’” A

ri, "Naa ndi ngani no ḥutshela Paulo muṭuku musi muthu muṇwe na muṇwe o mu furalela?" A thi themendeli izwo, a thi tendi uri vha do vha na dzinndwa ngei n̄tha, fhedzi ndo tou elekanya nga ha Mukomana Baxter a tshi ri ngauri o pfela Paulo vhuṭungu.

⁵¹ Zwo luga, naa Paulo o ita mini? O rera nga u fulufhedzea sa zwe a kona, huno Muya Mukhethwa wo vha u khae. Huno musi o n̄wala fhasi heneffo nga ha avho vhashumeli vha vhaftumakadzi na zwithu, ndi a humbulela uri ho vha hu na muthathabo. Ha pfi, "I ri ni vhasadzi vha fhumule zwivhidzoni, a vha tendelwi u amba," huno ene e dzhele nga itscho tshifhinga.

⁵² Naa ni nga humbulela zwe vhaiwe vha vhabishopo vha amba? "Huh! Uyo munna n̄tha heneffo dzhele, naa u na mushumo-de a no n̄wala hafha fhasi na riñe? Ni a vhona? U na Timotheo, munwi wa halwa, nae. Huno hafha u ngei n̄tha zwino, uri u khou kanzwa Timotheo nga waini, huno hafha o edela dzhele, nahone u khou n̄wala, u ri vhudza zwine Muya Mukhethwa wa fanela u ri vhudza u ita."

⁵³ Fhedzi a ri, "Arali... Mini? Ipfi la Mudzimu li bva kha inwi, huno Lo bva kha inwi fhedzi? Arali muṇwe munna a tshi elekanya uri ene muṇe ndi wa tshimuya kana muporofita, i ri ni a ḥanganedze uri zwine nda n̄wala ndi Milayo ya Murena." Ni a vhona?

⁵⁴ Ni a vhona, tshifhinga tshi a da, dzikhonani. Huno ndi ḥoda vhatthu shangoni line theiphi dza ya hone, u elelwa uri tshifhinga tsha u fhandekana tsho swika. Tshi fanela u zwi ita. A thi ȏivhi uri ndi vhukule vhungafhani na tshifhinga tsha vhufhelo, magumo anga a ndila. A thi ȏivhi. Izwo zwi kha Mudzimu. A thi ȏivhi uri matshelo ndi mini, nahone ndi nnyi... A thi ȏivhi zwine la fara, fhedzi ndi a ȏivha uri ndi Nnyi o zwi faraho. Ngauralo afho ndi hune lutendo lwanga lwa fhaṭwa hone, kha izwo.

⁵⁵ Zwino, ndi a humbulela uri Dema ho ngo mu furalela huno a thoma u ya kilabuni dza vhusiku. A thi elekanyi uri Dema o ita izwo, ngauri Dema o vha e munna o dalaho Muya. O vha e muthusi muhulwane. Arali no vhuya na dzhia ȏivhazwakale ya Dema, o vha e mureri a songo doweleaho nahone wa ndeme, munna wavhuđi o vibhvaho, o pholishwaho zwa nthesa, o funzea. O vha e munna o thanyaho. Fhedzi ndi ngani o furalela Paulo? Itsho ndi tshone tshithu. Naa ndi mini tsho mu itaho uri a zwi ite, a furalele Paulo? A thi tendi uri o vha a tshi ḥoda u ya kilabuni ya vhusiku kana tshiṇwe tshithu. Fhedzi ndi a tenda uri ho vha hu Mudzimu a tshi fhandekanya Paulo. Zwino ndi elelwa Dema...

⁵⁶ Kha ri dzhie miṇwe ya mihumbulo ya Dema. Musi ndo vha ndi tshi khou dzula fhasi nga thungo ha muvhundu, ndi tshi khou mangala nga linwe ḫuvha, nga ha tshedza tsha ḫuvha, huno ndo vha ndi tshi khou elekanya, "Naa ndi ngani Dema o ḥoda u ḥutshela uyo muthu? Ndi ngani o vha a tshi do ḥutshela uyo mureri muṭuku a ḥungufhadzaho we a mu isa ha Murena, munna

o rangaho phanda mvuseledzo vhukati ha Vhannda, muporofita nga ngoho?" A hu na we a vha a tshi nga amba nga nnnda ha uri o vha e muporofita. O vha a tshi fhira muporofita, o vha e muapostola, nahone muapostola muhulwane wa maanda kha Vhannda. Huno Dema o vha o dowelana na Paulo, vho vha na vhuledzani, huno vha vhona Muya wa Mudzimu u tshi sudzuluwa kha uyo munna. Huno ndi ngani o vha a tshi do rembulusa muṭana wawe kha muthu o raloho sa uyo, o khwathisedzwaho uri o vha e mulanda wa Kristo? Naa no dzhiela nzhele Paulo hafha, "A tshi funa shango la zwino." Zwino, a thi elekanyi uri Dema o gunea. A thi elekanyi uri o ita izwo. Fhedzi ndi elekanya uri o—o wana muhumbulo wo khakheaho wa Paulo.

⁵⁷ Zwino, Dema u bva kha muṭa wo pfumaho huno o vha o pfuma, huno nga tshiñwe tshifhinga tshelede i amba vhurereli kha vhathe. Vhunga vha tshi amba ngei California, "Arali ni si na Cadillacs tharu, a ni wa tshimuya." Ngauralo zwi amba, arali ni songo bvelela, arali ni si na tshivhidzo tshavhudisa tshi re hone mudini, vhathe a vha nga yi. Zwo ṭoda u vha nga iyo ndila fhamo, Poogh. Inwi, ni tea u vha na tshivhidzo tshavhudisa shangoni, kana vha ri, "Inwi, oo, ni amba uri no vha murađo na tshivhalonyana tshiṭuku nga u ralo?"

⁵⁸ Naa no divha uri Murena washu ho ngo vha na fhethu ha u vhea ḥoho Yawe? Naa no zwi divha uri O vha na badzhi nthihi fhedzi? Ni a vhona? Huno O vha e na... O vha a tshi tou vha muthu wa u sukumedzelwa thungo. Huno Ho ngo vha na fhethu ha u vhea ḥoho Yawe. Fhedzi vho vha tshi nga vha vho elekanya zwenezwo zwithihi, huno vho ita, nga Hae.

⁵⁹ Huno, zwino, ndi a tenda uri Dema o vhona u kundelwa, u ya nga hune muñwe a divha, kha mushumo wa Paulo. Ndi a elekanya uri o elekanya uri muthu wa kale o vha a si tsha bvela phanda, phanda ha Mudzimu. Zwino, o elekanya uri vhathe vhe vha vha tshi do ṭomola maṭo avho u nea Paulo...

⁶⁰ Zwino, Paulo o amba izwo, o ri, "No vha ni tshi do vha, nga huṭukutuku, no ṭomola maṭo anu, u nea nne." Ngauri, Paulo, ri a elekanya, o vha e na maṭo a si avhudzi, ngauri o ri, "Ndo nwala nga maledere mahulu." A ri, "ledere khulu," fhedzi ndi na tha—thalusamaipfi, huno i ri, "nga maledere mahulu." O vha e Roma, ngomu dzhele henengei. Ho vha hu na tshiñwe tshithu tsho khakheaho, o ri maṭo awe o vha a tshi khou mu dina u bva tsha bono la Tađulu. Ngauralo ene... Vhathe vho vha vha tshi do vha vho ṭomola maṭo avho, vha tshi vhona Paulo a tshi tambula, maṭo awe a tshi mu dina, huno ene a tshi tambula. Huno o humbelo Murena uri a mu fhodze, kararu. Huno a ri, "Nndani ha uri ndi do hulisea nga ntha ha Nzumbululo, ho rumelwa kha nne mudindā wa diabolo urī a kone u nthwa." Zwino, zwi do vha zwavhudzi nga maanda, zwenezwo a mu rwa hafhu. Zwenezwo u do vha wavhudzi, huno a mu rwa hafhu.

⁶¹ Inwi ni a vhona, Paulo o vha e na mushumo u fhiraho wa vhanwe vhaapostola vhothe vho ḥangana fhethu huthihi. Vhanwe vhavho vho vha vha tshi do vha vho ri, “Zwo luga, ndo tshimbila na Yesu.” Mulandu, munna tshiṭaraṭani o tshimbila Nae musi O vha e fhano. Fhedzi Paulo o Mu vhona kha Khavhu ya Mulilo nga murahu ha musi O fa, a swiṭwa, a gonya ngei Taḍulu, huno a vhuya murahu huno a vhidza Paulo, ni a vhona, ni a vhona, ndilani phasi u ya Damaseko. Huno o vha e na mushumo muhulwane u fhira Mateo, Marko, Luka, kana muñwe wa avho vhañwe. O vha e kule seli havho. Huno o ri, “Nndani ha musi ndi tshi hulisea zwino huno a ri, ‘Zwino, vhoiñwi vhathe a ni ḫivhi tshithu nga Halɔ. Ndo vhona Murena nga murahu ha mvuwo Yawe.’”

⁶² Zwo luga, vha ri, “Ro tshimbila Nae.” Zwo luga, zwo ralo kha avho vhathe vhothe phasi u mona hothe kha la Galilea na Nazaretha na ngā kha shango heneffo. Vhothe vho tshimbila Nae.

⁶³ Fhedzi, inwi ni a vhona, Paulo o amba Nae huno a Mu vhona nga tshivhumbeo tshe A vha e ngatsho a sa athu itwa ñama. Ni a vhona? Huno O nea Paulo ndaela nga itsho tshiiimo, musi O vha e kha itsho Tshedza. O ñea Paulo ndaela. Huno—huno Paulo o Mu vhona. Huno a ri, “Nndani ha musi ndi tshi hulisea, nda pfa ndi n̄ha zwitku u fhira vhañwe vha vhoiñwi vharathu, ho newa nne mudinda wa diabolo,” a no dzula a tshi mu rwa. Huno a ri, “Ndo ḫoda Murena kararu uri a u ḫuwise kha nne. Huno A ri, ‘Saulo, kana Paulo, Tshilidzi tshanga tsho edana.’” Zwenezwo Paulo a ri, “Ndi do wana vhugala kha u shaya nungo hanga, ngauri musi ndi si na nungo zwenezwo ndo khwāṭha. Ni a vhona, ndi do wana vhugala khazwo!”

⁶⁴ Zwino, naa no dzhieila nzhele zwino, munna we a vha e na mushumo wa u fhira wa muñwe wa avho vhañwe vhe vha vha vhe tsimuni, Paulo, mushumo muhulwanesa wa vhañwe vhothe, we a vhona Yesu e kha Khavhu ya Mulilo, huno a mu ñea ndaela ya u ita zwe a ita, huno a khwathisedzwa nga onoyo Mudzimu muthihi, na Maanda eneo mathihi, na zwiga na zwimangadzo seli ha huñwe u timatima; huno o vha a tshi shaya nga maanda lwe a vha e na badzhi nthihi, a tshi khou rerela tshivhalonyana tsha vhathe vhe vha vha vha tshi do vha vho ḫomola maṭo avho, huno vhañwe vhavho vhe vhamilionere. Huno naho zwo ralo Paulo o vha e na badzhi nthihi. O ri, “Disani iyo badzhi, hu khou thoma u vha na phepho ngeno n̄ha.” O vha e shangoni la thavha. O vha e na badzhi nthihi fhedzi.

⁶⁵ Huno Dema, kha munna we a vha e wa vhuimo ha n̄ha, wa kilasi ya n̄ha, o vhibvaho, o funzeaho, nahone munna o pfumaho ane a vha na tshanduko nnzhi dza zwiambaro, “Uyo munna, ho vha hu na tshithu tshi khakheaho khae. Uyo o vha e na khonani nnzhi dze dza vha dzi tshi nga ḫomola maṭo adzo u mu ñea, huno naho zwo ralo o vha a tshi shaya nga maanda lwe a

vha e na badzhi nthihi. Tshiñwe tshithu tsho vha tsho khakhea kha Paulo.”

⁶⁶ Oo, inwi ni a diyha, uyo muya a u tutsheli shango, vha kha di vha nawo nga iyo ndila. Tshelede a si Mudzimu. Hu na Mudzimu muthihi fhedzi. Ni a vhona? Fhedzi vhathu vha elekanya uri ngauri ni na mushumo muhulu ni tea u vha na *izwi* zweþe na *izwi* zweþe, na *izwi* zwithu zweþe zwihuluhulu, na zwikolo zwihulu na *zwikenenene* zwihulu. Mudzimu ha shumi nga izwo zwithu. Kana, nga huþukuþuku, uyo wo vha muhumbulo wanga. Mudzimu u shuma nga muthu. Ene na khathihi ho ngo ri odeinela u ya ra ita zwithu zwe raloho.

⁶⁷ Fhedzi Paulo, e na badzhi nthihi, huno u vhudza Timotheo hafha uri a i dise khae ngauri ho vha hu tshi khou thoma u rothola ngei nthia. Uh-huh. Munna we a vha e na mushumo we wa rerela vha zwigidi zwa mahumi zwe Paulo a ita, na mushumo we wa kona u ita tshaka dzoþe dla madembe, huno a vhona Yesu e kha Khavhu ya Mulilo, a mu nea ndaela, huno naho zwe ralo e na badzhi nthihi. Dema a ri, “Muthu wa u ralo,” a mu þutshela.

⁶⁸ Zwino, musi o vha e hafha nthia tshi khou rera u yela Troasi, ri wanulusa uri ho vha hu na munna ngei nthia wa mufuli. Huno o vha e muthu wa swili. Huno o vha a tshi vhenga Vhukriste. Huno o ita tshiñwe na tshiñwe kha Paulo tshe a kona u tshi ita kha ene, o mu posela dzhele. Huno tshiñwe na tshiñwe...na Paulo u tsivhudza Timotheo nga ha zwenezwo zwithihi, “Sedzani uyo munna.” Huno ngoyu Dema! O Mudzimu, i ri ni vhathu vha zwi pfe! Hafha ho ima Dema o ima tsini na munna we a mu rwa a vha bofu, nga nthani ha u þata nae. Zwino, vhoinwi vhareri vha Tshivhidzo tsha Kristo, ambarani badzhi dla vhoinwi zwino. Ndo vha na muñwe we a mmbudza nga tshiñwe tshifhinga, a ri, “Nthweni ndi vhe bofu! Nthweni ndi vhe bofu! Inwi ni na Muya Mukhethwa, nthweni ndi vhe bofu.”

Nda ri, “No no vha bofu.” Ni a vhona?

⁶⁹ Zwino, naa ndi ngani Paulo a songo rwa mufuli a vha bofu? Ulwo lushaka luthihi lwa muya u re kha vhathu vha no elekanya izwo, ndi zwenezwo zwithihi zwe zwa vha zwi kha Dema. Munna we a kona u rwa munna a vha bofu, nga nthani ha u þata nae, huno zwenezwo a rembuluwa huno a tendela mufuli a tshi tshinya mushumo wawe mudini. A hu na u timatima uri Dema o ri, “Ene, ha tsha bvela phanda, o xedza zwifhiwa zwawe zweþe. O—o xedza zwifhiwa zwawe zwa u rwa nga vhupofu.”

⁷⁰ Naa a ni vholi nga ndila ine uyo muya wa kha di tshila, ni ri, “A ni tsha bvela phanda, mukomana”? Oo! Zwi—zwi tou ya nga nthia ha þohoh dza vhathu. Vha tou sa zwi wana, ndi zwenezwo fhedzi zwi re hone khazwo. Ni a vhona? Vha tou sa kona u zwi vhona. Ni a vhona? A vha pfesesi.

⁷¹ Zwino Dema...ho ngo rwa uyo munna a vha bofu ngauri o þoda u ralo. Naa Yesu ho ngo ri, “A thi iti tshithu u swika Khotsi a

tshi Ntsumbedza u thoma”? Naa a tho ngo ni vhudza miñwaha yo fhiraho, na mme anga vho vha vho edela, vha tshi khou fa, huno vha tshi do ri, “Bill, naa mvelelo yanga ndi mini?” A tho ngo kona u amba tshithu u swika Mudzimu a tshi amba nga u ralo u thoma. Huno izwo ndi zwe zwa bvelela. Munna a nga si kone, munna ndi u kundelwa tsha u tou thoma. U tou vha axennde line Mudzimu a shuma nga khalo, huno Mudzimu u shuma lufuno Lwa Ene munę. Fhedzi musi ni tshi vhona avha vhathe vha vhuđi-vhuđi zwihiwlane vhane tshifhinga tshothe vha vha vhe na *itshi* na *itsho* na *tshiñwe*, inwi ndi khwine ni tshi ḥutshela kule nazwo. Ni a vhona? Yesu Ene munę ho ngo zwi ita izwo. O ri, “Ndi tou shuma fhedzi vhunga Khotsi a tshi shuma. U Ntsumbedza zwine nda tea u ita huno zwenezwo Ndi tea u zwi ita. Ndi nga si kone u ita zwiñwe . . . tshiñwe tshithu zwa sa ralo u fhira izwo.”

⁷² Huno hafha Dema o vhona Paulo, munna we a vha e na mushumo u no nga uyo, huno naho zwo ralo o vha e mushai nga maanda lwe a vha e na badzhi nthihi fhedzi, huno o ḥoda Timotheo u i disa khae. Badzhi nthihi! Fhedzi, Paulo o nea tsumbo vhunga zwe Kristo a vha e zwone, O vha e na badzhi nthihi. Zwenezwo ndi ngani lupfumo na tshelede nnzhi na zwithu zwa amba zwinzhisa kha vhathe ḥamusi? Dzhielani nzhele zwino. Huno o vha e na maanda u swika, nnyi na nnyi we a vha a tshi fhambana na zwe a rera, a rembuluwa u mona hothe huno a ri, “Ni do vha bofu lwa khalañwaha.” Huno munna a vha bofu.

⁷³ Huno hafha ho vha hu na mufuli, o ita kafumi kha ene zwe uyo munna a ita, huno o ḥuwa nazwo. Dema u fanela u vha o elekanya, “Zwo luga, ni a vhona, uyo muthu wa kale ha tsha bvela phanda zwino. O xedza mushumo wawe.” Hai, hai, ho ngo xedza mushumo wawe, na luthihi. Mudzimu ha iti zwithu zwa u ralo. Mudzimu a si muñei wa Muindia. Iina. Dzhielani nzhele zwino.

⁷⁴ Paulo o vha e tshiñwe tshithu kha nzudzanyo vhunga Eliya. Eliya muporofita o ya thavhani nga ndaela ya Mudzimu, huno a vhidza mulilo uri u we u tshi bva Tađulu, huno wa wa. Huno o vhidza madi, huno a da. Huno zwenezwo a nea ndaela nga mulaedza wa Mudzimu huno a vhulaha vhotshifhe vha madana maña, vha rema ḥohoho dzavho, vha vha litsha vha kunguluwa phasi muvhunduni; huno zwenezwo a shavha kha u shushedzwa nga mu—musadzi, musadzi muthihi muñuku wa muhoi, kana, o vha e mudzia-u-sa-tenda. Jesebele, uyo musadzi muthihi muñuku we a vha e muhumbulo muhulwane kha tshiñwe na tshiñwe tshiñku tshazwo, o vha e ene we a zwi vhanga. Zwo vhonala unga o vha a tshi do vha o mu wana u thoma. Fhedzi Mudzimu u na ndila dza u ita zwithu, huno vhalanda Vhawé vha nga kona u shuma fhedzi arali a tshi shuma u ya nga lufuno lwa Mudzimu.

⁷⁵ Naa a ni vhoni, dzikhonani, ni tea u tshimbila u ya nga ndila ya Mudzimu ya u tshimbila. Naa ndi kangana ndo dzula kha khorwana ya vharathu, na nga ndila ine nda do takalela u tshimbila hangei huno nda khanda tshanda tshavho huno nda ri, “Vharathu, a zwi iti phambano, kha ri tou vha vharathu.” Naa ndi nga ita hani izwo huno nda vhulunga ndaela yanga, “Rera Ipfi”? A ni ɯodi u ita izwo.

⁷⁶ Ndo ima vhukati ha vhashumeli, huno nda ri, “Mukomana Branham, mane wanga vha hangeno. Ndi a divha uri inwi ni muporofita o ruñwaho a tshi bva ha Mudzimu. Iyani hangei huno ni vhuyedzedze u vhona hawé.” Ndi tama ndo vha ndi tshi nga kona, ndo vha ndi tshi do zwi ita. Ndi nga si zwi ite u swika A tshi mmbudza uri ndi zwi ite. Ni a vhona? A hu na we a vha a tshi nga zwi ita. Eliya ho ngo kona u zwi ita, a hu na muñwe-vho we a kona u zwi ita.

⁷⁷ Zwino ri a wanulusa uri Paulo... Dema a tshi khou rera na Paulo, o vha o no vhona Paulo a tshi vhona munna wa muholefhalu heneffo, huno a ri, “Ndi a vhona uri u na lutendo lwa u Fhodzwa. Imani nga milenzhe yañu! Yesu Kristo u ni nea mutakalo.” O no mu vhona a tshi fhodza vhalwadze, huno naho zwo ralo u ɯutshela khonani yawe Theofilo a tshi lwala.

⁷⁸ “Paulo o xedza mushumo wawé.” Izwo ndi zwe Dema a fanela u vha o elekanya. “Ndi nga ni a songo ralo, arali o vha e na tshifhiwa tsha phodzo, ndi ngani a songo ya ngei n̄ha huno a fhodza iyo khonani ye ya ima nae i tshi fulufhedzea nga maanda? A ri, ‘Ndo mu sia henengei a tshi lwala. Huno a thi na na badzhi, huno ndi ɯoda inwi ni tshi nn̄disela iyo badzhi. Huno ni ɯhogomele uyo mufuli, o tou tshinyekanya uyo muñangano muñini. Ndo do tea u ɯuwa ñoroboni. O mmbea dzhele.’” Ndi a humbulela uri Dema o ri, “Naa ndi lushaka-de lwa mureri lwe yu a shanduka a vha lwone?” Ni a vhona?

⁷⁹ Huno, mukomana, vho wana vhunzhi ha iyo mimuya ya Dema shangoni ñamusi. A vha divhi uri i nga ha mini tshothe. Ni a vhona? A hu na ɯhodea ya u lingeda u zwi ɯalutshedza khavho, ngauri a vha nga zwi pfesesu naho zwo ralo. Ni a vhona? Ni a vhona? Mulanda wa Kristo u tevhela Khandiso Ya Ñayo.

⁸⁰ Muñwe wa madikoni hafha, a thi divhi uri kana u fhano madekwana a ñamusi kana hai, ndi Tony Zabel. Kanzhi u vha e fhano. Huno o da kha nñe huno a amba hu si kale a sa athu wana... a da hangeno, a ri—a ri, “Ndo—ndo vha na muloro, muloro u seisaho.” A ri, “Ndo—ndo lora ndi tshi khou lingeda u wana ndila yanga ya u ya ntha Taðulu.” A ri, “Nda vhona munna a tshi da o ambara nguvho ntswu huno a—a—a tshi khou vhala bugu.” Huno a ri, “Ndo—ndo wana yu munna, huno nda mu vhudzisa, ‘Naa ndila ya u ya Taðulu ndi ifhio?’ Huno a ri, ‘Vhudzisani munna a re nga phanda hanga.’” Huno uyo o vha e mu—mufunzi wa tshivhidzo tshe a vha o ya khatsho.

⁸¹ A bvela phandanyana huno a ṭangana na muñwe munna, o vha o ambara nguvho ntswu huno a tshi khou imba dzinyimbo, a tshi khou bvela phanda. Huno uyo o vha e muñwe mufunzi. Avho vhafunzi vhothe ndi khonani dza hañwani dzanga. Huno a ri... Huno munna wavhuđi. Huno a ri, “Naa ndi ndila ifhio ine ndi nga ya ngayo n̄tha ha thavha hafha?” A ri, ‘Sedzani hafha.’ Ha pfi, ‘Ni a vhona, o imaho ngei n̄tha kha ḥodzi, uyo munna muñkułuku?’ Nda ri, ‘Ee.’” Ha pfi, “Heneffo ho ima munna o ambara phere dza maovarolo, o ambara muñadzi muñku wa likhawaboyi.” [Tshikhala kha theiphi—Mudz.]

⁸² Muñwe muthu o ri, fhasi ngei Kentucky, a ri, a tshi khou amba nga ha nne fhasi henengei, a ri, “Uyo munna u vhonala e tshiñwe tshithu nga nn̄da ha mureri.” A nga di vhonala sa rabulasi kana tshiñwe tshithu, fhedzi—fhedzi, inwi ni a ñivha, a zwi vhonali.

⁸³ Huno a ri ho vha hu nne ndo ima ngei n̄tha. Huno a—a namela n̄tha u swika a tshi swika kha nne, huno a ri ndo mu fara nga tshanda huno nda mu ranga phanda u swika ndi tshi swika kha ḥodzi ya muvhundu. Huno ho vha hu na soga la u fhira nga kha halo. Huno nda ri, “Tony, ndi fanela u ni sia hafha huno ni fanela u tshimbila zwiñwe zwa izwi nga inwi muñe.”

A ri, “Mukomana Branham, naa ndi nga ita mini u bva hafha u ya phanda?”

⁸⁴ A ri ndo ri, “Iđani hafha, Tony, sedzani heneffo fhasi. Ni a vhona vhuṭala na milenzhe i si na zwienda vhu re na Malofha khaho?” Nda ri, “Izwo ndi zwe nda zwi tevhela ndilani yothe. Itonu dzula kha Izwo.” Itsuo ndi tshone tshithu tshithihi tshine nda ñivha u sumbedza munna tshone; hu si kha ndaela kana lupfiwa ha luñwe lushaka, fhedzi kha idzo Khandiso Dza Minwe dzi no ranga phanda kha Bivhili, Malofha a Yesu Kristo.

⁸⁵ Zwino, ndila ine uyo munna a tea u vha o pfa, munna a re na khonani dza mimilionere nnzhi nga maända, na badzhi nthihi. Munna we a... e na maända a u rwa munna a vha bofu, huno a tendela munna a tshi mu pandamedza ḥoroboni. Na khathihi ho ngo ita tshithu nga hazwo, o ya n̄tha huno abvela nn̄da. A rabelela vhalwadze huno a sia khonani yawe i tshi lwala. Huno Dema a mu sia. Vhañwe vhothe vha mu sia. Vhone vhothe vha mu sia. Paulo a ri, “Vhanna vhothe vho ntsia.” Muñwe na muñwe wavho a mu sia.

⁸⁶ Ndi amba izwi. Musi munna a tshi ima nga ngoho kha Ipfi, hu si nga muñgano muthihi fhedzi, fhedzi nga muñgano muñwe na muñwe, musi munna a tshi ima e kha ngoho kha Ipfi, tshifhinga tshi do da musi vha tshi do mu ḥutshela. Kokotolo. Vho zwi ita. Vho zwi ita kha Murena washu. Vha do mu ḥutshela musi a tshi imela Ngoho. “Vhanna vhothe vho mpfuralela.” Huno zwino naa ni elekanya mini uri Dema na vhañwe vhavho vho elekanya musi rothe ri tshi ñivha, vha no ñivha Luñwalo, uri

Luka o vha a dokotela, huno Paulo, huńwe na huńwe he a ya, o dzhia uyu dokotela nae? Huno a tshi rera phodzo ya Muya, huno a tshi tutshela khonani yawe i tshi lwala. O vha a tshi shaya nga maanda, e na badzhi nthihi. Huno i ri ni munna a mu gidimedze doroboni, musi a tshi nga kona u rwa munna a vha bofu. Ni a vhona, vho elekanya uri o vha a si tsha bvela phanda. Fhedzi o vha a sa khou ralo! O vha e kokotolo kha Khandiso Dza Minwe. O vha a tshi khou tevhela u ya phanda. Ndi a fhulufhela uri ni a pfectesa. O ri, "Vhanna vhothe vho mpfuralela."

⁸⁷ Dema, a tshi funa ili shango la zwino, u divhea ha vhanna. "Hello, Dokotela Dema. Ndi a divha uri no wana Ph. yanu!"

⁸⁸ Oo, ngoho, vha funa izwo. Yesu o ri, "Nga ndila ine na takalela u ima dzisinagogoni, huno na vhidzwa 'Rabi,' na zwińwe-vho." Ha pfi, "Ni wana u laťwa ho engedzeaho." Ni a vhona?

⁸⁹ Zwino, ri a divha musi vho no vhona iyi dokotela i tshi mu tevhela, kana nae, huno Paulo a dzhia Luka, a ri, o ri—ri hafha, "Luka ndi—Luka ndi ene fhedzi a songo furalelwaho. Huno Luka ndi—ndi wavhudzi khae. Fhedzi, Luka u na vhuando khae. U ḥoda Luka kha mushumo wawe." Huno uyu dokotela a no khou tevhela munna u mona hothe huńwe na huńwe he a ya, huno a rera phodzo ya Muya. Huno munna we a rera phodzo ya Muya o kona u fhodza vhaholefhali huno a vusa vhafu, na tshińwe na tshińwe-vho, huno a vhona mabono a maanda, huno a amba zwithu zwine zwa do khunyelela, huno a sia mushumisani wawe a tshi lwala. Huno o vha a tshi do vha o vha na dolara dza milioni huno a fhaťa zwifhađo zwi no tea dolara dza mahumi a zwigidi, na zwikolo zwihiulu na zwithu zwa u ralo, huno ho ngo vhuya a vha na tshithu nga nnđa ha badzhi nthihi ya u vhea muťanani wawe.

⁹⁰ Dema o ri, "A thi khou dowelana na munna o raloho. U tou vha . . . Ndi muthu wa kilasi ya fhasi. Ndi do ya nthia na vharathu vha dinomineisheni. Ndi do ya nthia hune nda do vha muńwe muthu." Arali ho vha hu tshithu tsho raloho, ndo vha ndi tshi do takalela u tshimbila, huno heneffo nga murahu ha Baxter a tshi fhedza, ni a vhona, nga u litsha uyo munna wa mushai muťuku nga itsho tshivhumbeo. U fanela u vha o ima nga ene. Paulo o vha e ene we a mu isa kha Kristo. Fhedzi, inwi ni a vhona, ndi nga nnđa ha u divha Muya, u divha zwine lufuno lwa Mudzimu lwa vha zwone, zwenezwo u ita lufuno lwa Mudzimu. Ni a vhona? Zwino, fhedzi heneffo o mu sia e kha iyo nyimele. O mu sia! Vhanna vhothe vho mu furalela.

⁹¹ Nga ndila ine nda elekanya nga ha izwo! Nga ndila ine mulanda a no do ima lwa ngoho kha Ipfi, nga u ḥavhanya kana ngavhuya, a tou elelwa, vhatthu vha khou yo mu furalela. Zwino, ri ḥoda u rwa itsho lwa miniti i si gathi fhedzi, huno a thi nga fareledzi zwino, ngauri ndi ni ḥoda fhano nga aya matsheloni.

Tshifhinga tshothe musi mulanda wa Mudzimu a tshi ima lwa ngoho kha Ipfi, vhothe vha a mu furalela. Huno zwi... Zwino, itonu dzhia huñwe na huñwe hune na ḥoda, tshifhinga tshiñwe na tshiñwe Bivhilini kana kha ḥivhazwakale, uri musi munna o dzula lwa ngoho, a hu londwi uri o vha a tshi ḥivhea hani, musi o dzula lwa ngoho kha Ipfi, tshifhinga tshi a da tsha musi shango la vhurereli li tshi mu furalela huno la mu tumula. Zwino, itonu zwi vhala, arali ni tshi dzhia Bivhili u bva kha Genesi u ya hangei kha Bugu ya Nzumbululo, huno na doba kha *Pre-Nicene Council* huno na dzhia fhasi kha *Nicene Fathers*, na munna muñwe na muñwe, mukhethwa muñwe na muñwe, muporofita muñwe na muñwe, mulanda muñwe na muñwe wa ngoho wa Mudzimu we a dzula na Ipfi, o furalelwa nga tshithu tsha vhuhuweleli huno a poselwa fhasi. Huno Paulo o vha e muñwe wavho.

⁹² Huno arali ha vha na muñwe ñamusi, zwi do vha zwithu zwenezwo zwithihi. Ndi kokotolo ngoho. Inwi ni tea u rwa afho fhethu. Hu tea u da. Vha elekanya uri munna a no do vha na mushumo wa u ralo, u tea u vha na shango henefhō fhasi ha gunwe lawe. U tea, fhedzi a vha nga di fhasi ha gunwe lawe. Ni a vhona? Huno munna o raloho ane a sa do vhea mushumo, kana shango fhasi ha gunwe lawe; u do u vhea fhasi ha gunwe la Muñe wawe, ngauri haho fhano o imela ene muñe, u khou imela Muñe wawe.

⁹³ Inwi ni a ḥivha, vhanna vha lingedza u ḥoda khuliso nga tshavho, huno vha a hulisana, huno vha nyadza Mudzimu nga u ita nga u ralo. Ni a vhona? Ri lingedza huno ra ita vhathe vhahulu vhukati hashu, huno musi ri si vhathe vhahulu na vhathe vhatuku, ri vhathe vhatuku roþhe. Hu na Muthihi muhulu muthihi fhedzi vhukati hashu, huno uyo ndi Murena washu. Ni a vhona? Huno ri ita dzangano lašu lihulu nga maanda u fhira Mudzimu, "tshihidzo tshihulwane tshikhethwa tsha *itshi*, *itsho*, kana *tshiñwe*, vhabishopo vhahulwane vhakhethwa," na vhañwe-vho. A hu na zwithu zwa u ralo sa izwo. Iyo ndi khuliso ya munna. Hu na Muthihi mukhethwa fhedzi, huno uyo ndi Mudzimu. Huno Muya Mukhethwa, ane a vha Mudzimu, u vhukati hashu. A si riñe vhane ra vha vhakhethwa, ndi Muya Mukhethwa u re kha riñe. A si... Musi ri tshi vhona zwithu zwi tshi itwa, a zwi kha riñe u zwi ita, ndi Muya Mukhethwa. Yesu o amba, "A si Nñe a no ita mishumo, ndi Khotsi Anga. U dzula kha Nñe, huno ndi Ene a no ita mishumo." Huno a si ene a—a no khou zwi ita. Zwo luga. Fhedzi ri wana vhone vhalanda vha ngoho fhasi nga kha tshifhinga.

⁹⁴ Zwino ngetshi tshithu tshine nda nga ndi ḥoda u tshi onyolosa na zwikhathinya zwi si gathi. Zwino, kānzhi nga tshifhinga tshi no nga hetshi musi vhanna vho dzula lwa ngoho kha Ipfi huno vhanna vhothe vho mu furalela u swika Mudzimu a tshi dzhenisa ligi nga ndamulelo ya uyo muthu

huno mushumo wawe wa ɻewa khare. Izwo ndi zwone. Ndi khuthadzo-de. Khuthadzo yashu yo fhaṭwa kha pfulufhedziso ya Ipfi la Mudzimu. A hu londwi zwine shango la amba, zwine shango la ita, ayo a si mafulufhelo ashu, ho ngo fhaṭwa kha zwine shango la khou ita.

⁹⁵ Ndi elekanya uri ulwo luimbo ndi lwavhudi nga maanda. Ndi tama ndo vha ndi tshi nga kona u imba. Tshifhinga tshoṭhe ndo ṭoda u imba. Ni a vhona? "Avho vha no lindela Murena, vha do vusuludza nungo dzavho, vha do fhufha nga phapha vhunga goni, vha do gidima huno vha sa nete, arali vha tshimbila a vha nga ɻokij mpfunze, Murena, u lindela. Mpfunze, Murena, u lindela kha magona anga." Ndi takalela izwo. "Huno nga tshifhinga Tsha Iwe muñe tshavhudzi U do fhindula zwihibelwa zwanga; mpfunze uri ndi songo ditiika nga zwine vhañwe vha ita, fhedzi u tou lindela nga thabelo phindulo i bvaho kha Iwe." Izwo ndi zwone. Uyo ndi mulanda wa ngoho a no lindela tshifhinga tsha Muñe wawe, a tshi divha itshi, tsha uri Mañwalo a nga si kone u kündelwa hu sa londwi zwi no bvelela. Luñwalo lu tea u ima lu lwa ngoho. Nga tshifhinga tsho raloho tshi no nga itsho, ndi musi Mudzimu kanzhi a tshi dzenisa ɻiga la u vha thusa.

⁹⁶ Kha ri sedze Eliya musi o furalelwa. Ndi ngani? Ngauri o dzula e wa ngoho kha Ipfi. O ri, "Vhanna vhoṭhe vho mpfuralela." Huno o khaulika kha tshitshavha, kha dzangano, na kha dzangano la lushaka, la tshivhidzo tsha lushaka lwa Isiraele, tshifhe na vhoṭhe vho mu posela nn̄da, huno o vha a si na na badzhi u fana na Paulo, fhedzi tshipida tsha mukumba wa nngu muṭuku, kana, mukumba wo putelwa u mona nae, huno a dzula nt̄ha ha thavha huno a kanzwiwa nga zwiñoni. Ee, muñe wanga. Ndi ngani? U itela Ipfi, ngauri o vha e wa ngoho kha U RALO MURENA. Zwino vhoṭhe vho vha vhe vha musalauno. Mufumakadzi wa u thoma, Jesebele, o vha e na fesheni dzoṭhe na zwithu nn̄da. Huno vhotshifhe vho dinekedzela zwone khazwo na zwiñwe-vho, na vhareri vhoṭhe na vhañwe-vho, vho zwi ḥanganyisa ngomu. Fhedzi hu si Eliya, o dzula e wa ngoho kha ilo Ipfi. Huno nga tshithu tsho raloho o furalelwa, u swika a tshi lila, "Murena, ndi nñe fhedzi o salaho, huno vha ṭoda vhutshilo hanga."

⁹⁷ Fhedzi Mudzimu o mu nea inwe khuthadzo, a ri, "Ndo wana zwigidi zwa sumbe ngei fhasi."

⁹⁸ Ni a vhona, a thi tendi uri Eliya o pfa a tshi dihudza nga izwo, uri o vha e ene fhedzi, fhedzi ndi elekanya uri o vha o tou furalelwa. Tshifhinga tshoṭhe o vha a tshi ya nt̄ha kha tshifhe u fara muṭangano, vha do mu ḥanutshela. O vha a tshi do ya fhasi henefho, "Ibvani hafha, inwi wa vhusweleli ho kalulaho! Ibvani hafha! Iyani ni ite itshi!" Zwo sumbedza musi Elisha a tshi da, mutesvheli wawe. Zwo luga, naa vho ita mini? Vho vhuya... Muthu muswa o vha e na phanda, huno vho rumela

vhana vhavho vhaṭuku nnda u tamba nga “vhukwakwa” ha kale. A ri vhone vhoṭhe vho vha vha tshi dzhiwa sa vhukwakwa, a ri, “Ralupandane wa kale! Ralupandane wa kale, naa ni songo ya n̄tha vhunga Eliya?” A vho ngo tenda uri o ya n̄tha. Uh-huh. Ni a vhona? Vho tou elekanya uri o vha e tshivhalonyana tsha vhukwakwa. Fhedzi vho vha vha ngoho kha Ipfi, na mushumo wo khwathisedzwaho. Eliya o ima. Zwo luga.

⁹⁹ Daniele o dzhia vhuimo ha ngoho. Inwi ni a divha hune nda wana izwo kha Daniele 12, kana Daniele 9, ndi a tenda uri zwo ralo. Musi ni... Daniele o dzhia vhuimo ha ngoho u itela Ipfi. Naa ho bvelela mini khae? Musi o vha e munna wa tshanda tsha u la kha khosi, fhedzi o dzhia vhuimo ha ngoho u itela Ipfi, huno a khauliwa huno a poselwa ngomu bakoni la dzindau. Munna wa Mudzimu o ima lwa ngoho kha Ipfi!

¹⁰⁰ Vhana vha Vhahevheru vho dzula vhe vha ngoho kha Ipfi, fhasi ha ndivhadzo ya khosi ya uri “ane a sa do gwadamela itsho tshifanyiso musi zwiṭiringo na phalaphala zwi tshi lidzwa, na zwińwe-vho, uyo ane a sa do gwadamela tshifanyiso tshashu u do poselwa ḥandoni ya mulilo,” huno vha furalela tshifanyiso. Huno re... Vhone, hu sa londwi uri vha vha vha sa divhei hani, hu sa londwi uri vha do khauliwa hani kha tshitshavha, vho dzula vhe vha ngoho kha Ipfi. Ndi takalela izwo.

¹⁰¹ Yakobo, muńwe. O vha e na... a siho hayani lwa tshifhinga tshilapfu, huno o vha na mbidzo ya u ya hayani u vhona vhathu vha hawe. Huno o vha e ndilani yawe, e wa ngoho kha mbidzo yawe, e wa ngoho kha u rangwa phanda hawe. O vha e na zwithu zwavhudji hangei, fhedzi Mudzimu o thoma u shuma nae uri a ye hayani. Huno, kha ndila yawe ya u ya hayani, a poselwa vhukati ha mafhethu mavhili o kwakwanyedzwaho. Mufumakadzi wawe na vhana nga thungo yawe; na mukomana wawe o vhengwaho, Esau, a tshi da ngeno na mmbi u tangana nae. Huno a dzula kha mulambo muṭuku, mulambo Peniel henefho, huno henefho a ima. Huno nyimele-de nandi! Esau, a tshi mu vhenga, a tshi da na mmbi u tangana nae, huno hafha ho vha hu na mufumakadzi wawe, vhafumakadzi vhavhili na vhana nga thungo iyi yoṭhe ya mulambo, huno o vha o farwa fhethu ho kwakwanyedzwaho. Ndi ngani? Ngauri u do vha o dzula shangoni lawe zwo vha zwi tshi do vha zwo luga. Fhedzi o vha e na mbidzo, Ipfi la Mudzimu lo mu vhidzela shangohaya lawe. Haleluya! Mudzimu fhaṭutshedza munna. O wana tshanduko, na ene-vho. Ee, muńwe wanga.

¹⁰² Yesu, e wa ngoho kha Ipfi la Khotsi, “Ndi ita fhedzi izwo zwine Khotsi a zwi amba. Zwo ḥwaliwa, ‘Muthu a nga si tshile nga tshinnkwa fhedzii, fhedzi nga Ipfi linwe na linwe li bvaho mulomoni wa Mudzimu.’”

Yesu, wa lini na lini e wa ngoho kha ilo Ipfi, hu da tshifhinga tsha musi O xedza khonani dzoṭhe dze A vha e nadzo. Muńwe na muńwe wavho o Mu furalela huno a ḥuwa. Vhone vhoṭhe. Huno

vhathu vho Mu vhona a tshi hoiwa, a tshi holedzwa, vha xelewanga fulufhelo Khae. "Naa munna we a kona u amba na munna o faho tshaloni huno a mu vusa, naa munna we a kona u bvumba zwiwo zwa itea huno na khathihi a sa vhe...na khathihi zwa sa kundelwe; huno a dzula dzikhetha na tshifhaṭuwō Tshawe tshi tshi bva malofha u bva kha mabuli a ndebvū, huno mare a maswole o kambiwaho a tshi gidima fhasi kha tshifhaṭuwō Tshawe, e na dzadza kha thoho Yawe, huno a tshi Mu rwa kha thoho nga lubađa, huno vha tshi ri, 'Porofita huno u ri vhudze uyo we a U rwa, huno ri do zwi tenda?'" Zwo luga, vhafunziwa vha sokou diđutshela, vha ri, "Ah!"

¹⁰³ Ni a vhona, vha tou hangwa nga u ḥavhanya zwe Mudzimu a ita! Mushe o amba hani ngei Lwanzheni Lutswuku, musi o ima henehala huno a ri, "Mudzimu o ita madembe avhudī, naa ni kha di vha vha vhukundavhalai nga maanđa lune na sa ḫivhe uri U kha di vha Mudzimu?" O tsela fhasi henehala huno a rwa mashango, a—a vhea samba kha mashango. O disa zwidula, madzedze, dzithunzi, tshiñwe na tshiñwe, na mu—muthuthubo we wa vhulaha matanzhe othe, huno muruṛwa wa lufu a fhira nga kha shango, huno naho zwo ralo avho vhathu a vho ngo ḥoda u mu tevhela ngei Lwanzheni Lutswuku. Nga u ḥavhanya hani, nga u ḥavhanya u ḫivhe hanu... Musi vho vhona aya mapfumo mahulwane a penyaho a vhanna vha zwigidi zwa dana vha tshi da nga u ralo, kana khamusi, iina, kana khamusi vhanna vha milioni vha no khou da, huno u vhomba ha dzigoloi na buse li tshi fhufha, vha tou ḫinekeda huno vha wela murahu, "Huno, Mushe, ro vha ro fanela u vha ro fa hangei murahu." Ni a vhona? Mudzimu o amba uri O vha litsha vha fa sogani nga nthani ha u sa tenda. "Mushe, mushumo wanu a u tsha bvela phanda, ndi zwenezwo fhedzi. Inwi a ni tsha vha hone." Ni a vhona, a vha pfelesi. A vha zwi wani.

¹⁰⁴ Huno zwino zwenezwo zwithihi zwo vha zwi zwone musi Yesu, Rabi muswa kana Mudededzi, kana Muporofita wa Galilea, musi O vha a tshi khou ita ayo madembe othe na zwithi, "Naa O vha a tshi nga vhuya a ima hani huno a kondelela tshithu tsho raloho tshi no nga itsho? Naa O vha a tshi nga tendela hani munna a tshi Mu vhofha nga dzingedane, ngeno O kona u vunda luswayo kha tshalo huno a vusa munna o faho kha Vhutshilo-tshoṭhe? Naa O vha a tshi nga kona u zwi ita hani, ngeo O kona u amba na murwa o faho wa tshilikadzi huno a mu vusa uri a tshire hafhu; huno Lazaro, o fa nahone o sina tshaloni, huno a mu bvisela nnđa? Naa O vha a tshi nga kona hani u ima, a ri, 'Ndi nne Mvuwo na Vhutshilo. Ane a tenda kha Nñe naho o fa u do tshila. Ane a tshila huno a tenda kha Nñe a nga si fe na khathihi.' Huno a ima huno a vhoxwa nga dzitshaini huno a pfewla tshifhaṭuwoni, huno a sa vule mulomo Wawe?" Vhafunziwa, "O xedza mushumo Wawe." Iina, iyo ndi ndila ine zwa tshimbila. Mudzimu, ili shango li ḫungufhadzaho!

¹⁰⁵ Na tshivhidzo Tshawe, vha fumimbili vhe A vha takalela huno a vha vhudza tshiñwe na tshiñwe, nahone a vha funa, vho Mu ḥanutshela. Muthihi fhedzi o ima Nae, uyo o vha e munna Yohane. Henehfo nga awara ya musi tshiñwe na tshiñwe tsha vha tsho no ṭuwa, huno mafulufhelo oṭhe a vha o no ṭuwa, henehfo O vha o vhoodwa, huno a dzhihiwa henehfo n̄tha huno a hoiwa na u pfelwa mare, huno ha vhewa muṭana Wawe murahu kha... Vha sa zwi ḋivhi uri izwo zwe khunyeledza Mañwalo.

¹⁰⁶ Mulandu, naa a ni ḋivhi uri zwithu zwine zwa khou bvela phanda namusi zwi khou khunyeledza Mañwalo kokotolo u ya nga zwidodombedzwa? Ndi ngani vhatthu vha tshi nga amba izwi zwithu? Ndi ngani dinomineisheni idzi dzi tshi halifha? Ndi ngani dzi tshi ita izwo? Zwe ḥwaliwa Mañwaloni uri dzi do ita izwo. Vha tshimbila henehfo ngomu hazwo huno vha zwi ita vhone vhane, vho pofula, vha sa zwi ḋivhi uri vha khou zwi ita. Inwi ni elekanya uri Yudasi o ḋivha uri o vha a tshi khou tambo tshipida tsha Yudasi? Inwi no elekanya uri Farao o ḋivha uri o vha a tshi khou tambo itsyo tshipida, ngeno Mudzimu o mu vusa u itela iyo ndivho? Inwi ni elekanya uri Esau o vha a tshi do vha o ita zwithu zwe a zwi ita? Zwa vhukuma hai. Ha pfi, "Vha na maṭo huno a vha koni u vhona, dzindevhe huno a vha koni u pfa." Fhedzi sedzesani Luñwalo, lu tshi khou petuluwa. Ni a vhona? Ri kha tshifhinga tsha vhufhelo, zwi tea u vha nga iyi ndila.

¹⁰⁷ Zwino, tshivhidzo Tshawe tsho Mu furalela. Vhanna vhoṭhe na mupo zwe Mu furalela. Ni amba nga ha muñwe muthu o furalelwa, Paulo o vha a si na u furalelwa na luthihi kha zwe A vha e nazwo. Na tsiko yeneyo ye A sika yo vha i tshi khou Mu furalela. Ḋwedzi na dzinaledzi na ḋuvha, na tshiñwe na tshiñwe, zwi tshi pofula. Munna, Mudzimu, mupo na tshiñwe na tshiñwe zwe Mu furalela, hu si na tshithu tsho imaho henehfo, O fa e ethe. Naa O xedza mushumo Wawe? O vha a tshi khou khunyeledza mushumo Wawe, a sa khou u xedza. Itsyo tshi tshimbila nawo. Itsyo ndi tshithu tshi no itea. Itsyo tshi tea u tshimbila nawo.

¹⁰⁸ Zwino, tshiñwe na tshiñwe tsho Mu furalela. Fhedzi ho vha hu nga tshino tshifhinga he Mudzimu a džhenisa ligia ngomu vhuponi, ngauri muñwe munna a no ḋivha Ipfi u do dzula na Ipfi, a tshi ḋivha uri Ipfi ndi Mudzimu. Ni a vhona? Huno Ipfi li tea u Diputulula. Ipfi li sa kundelwi li fanela u Diputulula. Li tea u ralo, nga nzudzanyo, ngauri Ipfi ndi Mudzimu. Huno arali Lo shuma kha vhañwe u tsa hoṭhe fhasi nga kha tshikhathi, Li do shuma nga ndila i fanaho zwa zwino, ngauri Ndi Mudzimu. Ni songo hangwa izwo. Ngauri Yesu o ḋivha uri Ene e u qala ha Ipfi, O vha a si Muporofita fhedzi, O vha e Mudzimu Ene muñe. O vha e Ipfi. Itsyo ndi tshone tsho itisaho uri hu si vhe muthu fhedzi we a Mu furalela, fhedzi na mupo wo Mu furalela. Tsiko yoṭhe yo Mu furalela, tshiñwe na tshiñwe, dzinaledzi, Ḋwedzi, huno hu si na tshedza musi A tshi fa. Tshiñwe na tshiñwe tsho Mu furalela,

ni a vhona, ngauri O vha e Musiki wa zwithu zwēthe. “O vha e shangoni, huno shango lo itwa nga Ene, huno shango a lo ngo Mu diw̄ha.” Ni a vhona? O vha e Musiki wa zwithu zwēthe. Zwithu zwēthe! Zwino, tshithu fhedzi, tshine ra . . . A ri siki fhedzi ri lingedza u rembulusa, huno avho vhane ra lingedza u rembulusa ndi vhone vha no furalela huno vha ḥuwa. Ni a vhona? Musi tshifhinga tshi tshi da uri Ipfi li D̄jane vhukuma, tshi tea u vha nga iyo ndila. Zwino, itonu elelwa, ho vha hu musi Mudzimu a tshi dzenisa liga ngomu vhuponi.

¹⁰⁹ Huno kha vhutshilo ha Murena Yesu, mishuno ya maanda ye A ita nga nwaha wa u thoma na miwedzi ya rathi ya vhutshilo Hawe, oo, nga ndila ye A vha e Munna wa maanda! Ho vha hu si na tshithu tshi no nga Ene kha lifhasi, na khathihi u bva tsheetsho, na khathihi a tshi nga vhi hone nga murahu. Fhedi ho bvelelani? O wana u hoiwa ho engedzeaho u fhira muñwe, vhañwe vhothe vho tanganyiswa. O hoiwa nga mupo huno a hoiwa nga tsiko, o hoiwa nga tshinwe na tshinwe, ngauri yo vha i nyimele yo shandeaho. Itsho ndi tshone tsho itaho uri mbilu dza vhatu dzi hoye mulanda wa Mudzimu wa ngoho, ngauri o shandea. Mupo wo shandea, itsho ndi tshone tshiitisi.

¹¹⁰ Arali mupo wo naka sa zwine wa vha zwone, u tshi shandiwa, naa u do vha mini musi u tshi rembuluselwa kha Mudzimu? Arali shango li tshi nga aŋwa ndirivhe dzi no dzhia vhanna vhavhili u dzi paka mutanani wav̄ho, zwine zwa do vha zwone, na ilo shango lo shandeaho, zwine la do vha zwone musi lo rembuluselwa murahu kha Mudzimu? Kristo u a da, soga li do fhufhuma sa dzuvha. Hu do vha na u rembuluwa. Huno mafhethu o omaho a do fhufha a tshi bva madini, huno lifhasi li do mela lurere na u fhufhuma. Oo, itsho tshi do vha tshifhinga, huno musi mbilu dza vhatu dzi tshi do rembuluswa dza vha vhatu vha ofhaho Mudzimu, avho vho vha vha tshi khou nanga zwino, vha do tshila afho fhethu. Amene.

¹¹¹ “Iyo awara ya swiswi, vhukati ha matombo a kwashekanaho na lutombo lwo swifhalaho,” a amba murendi, “Mutshidzi wanga o kotamisa ḥohoho Yawe huno a fa; lupila lu vuleaho lwo dzumbulula ndila ya u ya madakaloni a Tađulu na ḫuvha li sa gumi.” O do tea u ita izwo u itela u ri itela ndila. Izwo ndi zwone. Fhedzi Mudzimu o ita mini? O vha e wa ngoho kha Ipfi huno O kuvhatedza tshifhambano. Fhedzi o vha e magumoni a mushumo Wawe? Naa mushumo Wawe wo vha u songo bvela phanda? Mudzimu o u nea khare khulwanesa ye ya vhuya ya newa khare. Ou nea khare nga matsheloni a Mvuwo, nga mvuwo. O nea mushumo khare wa Murena Yesu washu, O vuwa vhafuni huno u a tshila lwa lini na lini. O vha a songo bvela phanda ngauri vhanna vhothe vho Mu furalela, O vha o newa khare! Ee, mune wanga. Ee, mune wanga. O vha o newa khare ngauri iyo O vha e yone, o no furalelwa, huno U fanela u ita izwo musi A tshi Mu vusa vhafuni.

¹¹² A fanaho o vha e Eliya. Ro amba nga hae lwa zwikhathinyana zwi si gathi zwe fhiraho. Eliya, uyo muporofita a ḥungufhadzaho wa kale o vundekanaho o edela ngei nn̄da sogani, huno a tea u kanzwiwa nga zwine zwinoni zwa ḫo mu disela. Huno muvhili wawe musekene wa kale wo onyolowa, muvhili u vhonalaho u wa muronzhe, tshitemba tshiṭuku tsha mapfura tsho nembelela nga thungo yawe, ndebvu dzawe dzo bva dzothe, huno hu na khonadzeo ya uri thoho yo vha i na phanda nahone yo swa nga duvha, o holefhala, a tshi khou tsela fhasi nga lubada nga *iyi* ndila, fhedzi fhasi ha iyo mbilu ḥukhu ya kale hu divhitha Muya wa Mudzimu. Musi Mudzimu o no vhona mulanda muṭuku wa kale o netaho Wawe fhasi kha magumo, muthu muñwe na muñwe a tshi khou mu furalela, na tshiñwe na tshiñwe-vho, naa O mu litshedza fhasi? O rumela goloi fhasi, a doba mulanda Wawe o netaho, “Inwi a ni tei u vhuya na tshimbila vhunga Enokho o ita, ndi ḫo tou ni isa hayani nga goloi.” Izwo ndi zwone. O nea mushumo wawe khare na u mu namedza goloi ya u mu isa hayani. Izwo a zwe ngo vhifha nga maanda, inwi ni a ḫivha. Ina. Ee, ho ngo tea u tshimbila a tshi ya hayani, O tou rumela goloi huno ya mu doba ngauri o vha o neta. Ndi takalela izwo. Amene. Mulanda a ḥungufhadzaho, muṭuku, wa kale o netaho, O mu doba huno a mu isa Hayani.

¹¹³ Tsho vha tshi ga tshifhinga tshe Daniele a ima a tshi khou fulufhedzea kha Mudzimu, lwe a dzhena ngomu... Vha ri, “Uyo munna, inwi ni a ḫivha, o vha e muthu muhulwane hafha kha uyu muvhuso. O amba tshaka dzothe dza zwithu. Huno o dissa vhaloi ngomu, a vha funza zwithu.” Huno Vhamedha-Vhaperesia na ndila ye a ita. Fhedzi fhasi ha muvhuso wa Dario, ho vha hu Daniele we a dzula e wa ngoho kha Mudzimu. Ho vha hu Daniele we a dzula na Ipfi ḥa Mudzimu huno a si ḥangane na tshiñwe tshithu-vho. Huno a ri, “Zwo luga, mushumo wawe a u tsha bvela phanda, ngauri ndo u vhona kha bammbiri ḥa hayani, u khou yo poselwa bakoni ḥa dzindau nga mađuvha a si gathi.” A tshi khou ya kha dzhele ya Federala, kana tshiñwe tshithu, inwi ni a vhona. “Fhedzi ri khou yo mu posela ngomu bakoni ḥa dzindau.” Fhedzi naa Mudzimu o ita mini? Mudzimu o pfunela mushumo Wawe nga tshanduko ya mbilu ya khosi, lwe Dario a rumela kha luambo luñwe na luñwe, vhathu u buđekanya shango, uri munna muñwe na muñwe a tee u ofha Mudzimu wa Daniele, ngauri O vha e Mudzimu we a vha a tshi kona u rengulula. Amene.

¹¹⁴ Ngauralo, inwi ni a vhona, ndi nga itsi tshifhinga musi vhanna vha tshi furalela vhanna, vhalanda vha Mudzimu vha dzula vhe vha ngoho kha Ipfi, uyo Mudzimu u pfunela mushumo wavho nga tshifhinga tsha u nea khare.

¹¹⁵ Ee, ho vha hu vhana vha Vhahevheru fhasi ha muvhuso wa Nebukadanetsara, musi vho vha vha si nga gwadameli tshifanyiso. Vho dzula vhe vha ngoho kha Mudzimu ngauri Ipfi ḥa Mudzimu ḥo ri, “Ni songo gwadama phanda ha tshiñwe

tshifanyiso, u tshi luvha.” Vho dzula vhe vha ngoho kha Ipfi. Huno ho vha hu kha bammbiri la hayani, kha mafhungo, zwothe nga hazwo, tshiñwe na tshiñwe tshe tsha vha tshi khazwo nga ayo mađuvha. Vho vha vhe na ndila dza u balanganya mafhungo. Hu si kha bammbiri la hayani, hai a hu na zwiñwe, ndi u tou amba nga u ralo u itela uri ni do vha na muñwe muhumbulo. Fhedzi vho vha vhe ngomu heneffo he vha vha vha tshi khou yo vha fhisa nandoni ya mulilo i tshi fhisa kasumbe. Lwa mađuvha phanda ha izwo, vho posela ngomu matheriala othe u ita uri nando i fhise nga maanda lwe ya vha i tshi khou fhisa kasumbe, yo fhisewa kasumbe. Mulandu, yo vha i tshi do vha yo vha la, u dzhena kha dzharaña ya ñana yazwo. Fhedzi vho ya heneffo nandoni ya mulilo, huno vha bva heneffo vha si na na muñwe munukho wa mulilo khavho. Huno Nebukadanetsara a ri, “Munna muñwe na muñwe a no kundelwa u luvha uyu Mudzimu, i ri ni vhana vhawe na ene vha vhulawe, nndu yawe i fhiswe huno i fudekanywe.” Izwo ndi zwone. Ni a vhona? Ene... Vho vha na mvuseledzo ya shango loþhe ngauri vho vha vhe vha ngoho kha Ipfi. Izwo ndi zwine zwa bvelela. Ee, muñe wanga. Dzulani ni wa ngoho kha Ipfi, ee, huno tshifhinga tshoþhe zwi badela nga ndila i mangadzaho.

¹¹⁶ Yakobo, ro mu bula tshikhathinyana tsho fhiraho. Ndo wana dzina lawe lo ñwalwa phasi hafha. Hafha o vha e hone, goswi liþuku, fhedzi o vha o dzula. O vha a tshi ofha Esau hangei. Nne-nne, nne-nne! Huno o ñivha uri o vha e kule ha Mudzimu. E kule na Mudzimu iyi miñwaha yothe, fhedzi tshifhinga tshoþhe o lingedza u dzula e wa ngoho kha ilo Ipfi. Huno hafha Mudzimu o mu vhidza huno a mu vhudza uri a ye hayani haw. Hafha o vha e heneffo mutualoni wa mushumo, huno heneffo Esau o vha e na mmbi. Ho vha hu nga itsho tshifhinga he a shandukiswa u bva kha dzina la *Jacob*, “mufhuri, mudziathoni,” u ya kha Yakobo... “mukololo phanda ha Mudzimu,” musi a tshi bva nga matsheloni a tevhelaho, na mushumo wawe wo wana khare. O tshimbila a bva huno a þangana na Esau, huno a si lindele thuso i bvaho khae. Amene. E wa ngoho kha Ipfi. Iyo ndi ndila ine Mudzimu a ita zwithu, a si zwone? Ene—Ene u ita zwithu nga ndila Ya Ene muñe. Zwo luga.

¹¹⁷ Vhanzhi vha vharathu, vha khou vha na u ñivhea huhulwane namusi vhukati ha vharathu vhavho vha dinomineisheni. Inwi ïtonu amba dzina liþihhi, mutukana, huno li tou fana na mulilo, huñwe na huñwe, izwo ndi zwone, inwi ni amba ili liñwe dzina la uyu muthu. Huno, itali, musi Murena o amba na nne phasi mulamboni nga ilo duvha, zwo rangha phanda iyo mvuseledzo u mona na shango, u bva heneffo hu da muñwe na muñwe wa avho vhaevangeli vhahulwane.

¹¹⁸ Vho ya henengei murahu na vharathu vhavho, ni a vhona, idzo dinomineisheni dzine vha bva khadzo. Vha a bva hafha huno vha fara uyu muþangano, vho þanganana na dinomineisheni, vha

ya heneffo murahu ngomu hadzo hafhu. Vha na u takalelwa nga maanda, madzina mahulu kha radio, mabammbiri, na tshiñwe na tshiñwe. Muthu muñwe na muñwe u vha amba zwavhuđi.

¹¹⁹ Fhedzi vhathu vhothe vho mpfuralela ngauri ndo dzhia Ipfi la ngoho, huno nda ima nga Ipfi. Ndo dzula heneffha kha zwe A ri kha nñe, rera Ipfi, hu si filosofi ya dinomineisheni. “Rera Ipfi,” iyo yo vha i ndaela yanga, “dzulani na Ipfi.” Huno, vharathu, vha no kho thetshelesa kha izwi kha theiphi, ndo vha ndi munna muhulwane musi ndi tshi da vhukati hañu, ndi tshi khou tou fhodza vhawadze, ndi tshi amba nga ha mabono na u sumbedza zwithu. Fhedzi musi ndi tshi ya u ni vhudza Ngoho nga ha Ipfi, naa ndi ngani no mpfuralela? Naa ni a limuha uri zwi khou tou khunyeledza zwe Luñwalo lwa amba? Ee, zwi ita nga iyo ndila. Zwino a thi koni u dzhena fhethu.

¹²⁰ Luñwalo lu da tshifhinga tshothe. Luñwe lwo da liña ñuvha, lwa ri, “Mukomana Branham, ndo vha na fulufhelo lihulwanesa kha inwi, fhedzi ndo ni pfa ni tshi amba uri inwe dinomineisheni ine nda vha khayo i khou gunea.” Ha pfi, “A thi tsha vha na fulufhelo kha inwi na luthihi zwino, u bva zwino u ya phanda.” Ha pfi, “Ho vha hu na vharathu vha ḥodaho u swika vha fumbiliñhanu vha dinomineisheni yanga vho ḥzulaho kha muñwe wa miñangano yanu,” ha pfi, “ro tou wana—wana heneffo nñha huno ra ḥuwa musi no amba izwo.”

¹²¹ Zwo luga, vhanna vhothe vho mpfuralela, fhedzi hu na tshithu tshithihi, O ima na nñe! . . . ? . . . A thi ene, ndo vha ndi songo thetshelesa bono li bvaho ḥadulu le la bvelela ngei fhasi mulamboni. Ndo dzula ndi wa ngoho Khae. O vha wa ngoho kha nñe. Ndi khou Mu fulufhela, liñwe ñuvha, a thi ñivhi uri lini, kha u ñewa khare ha mushumo wanga. Ndo dzula ndi wa ngoho sa zwe nda kona. A thi ñivhi zwine zwa do vha zwone. A thi ñivhi uri zwi do vha lini. Huno nñe, zwezwo musi O luga, ndo ralo. A thi londi. Ndi a fhulufhela uri U do ñea mushumo wanga khare ya izwi, ya u ntendela u dzhia zwiambaro zwa Ipfi, huno nda ambadza Muselwa Wawe nga zwiambaro zwa Ipfi, na u luga Hawe. Ndi a fhulufhela uri U do ñea khare, a ntendela u ima nga ilo ñuvha, nda ri, “Vhonani Ngwana ya Mudzimu i no dzhia tshivhi tsha shango.”

¹²² Hu na mivhundu minzhi i no tewa u namelwa u ya nñha, vhuleme, nga tshiñwe tshifhinga zwi a kondja; fhedzi Uyo a no sumba ndila, u a ñivha zwine zwa tou vha zwa khwinesa. U ñivha zwine zwa vha zwa khwinesa. “U ñinetisa ha bada hu do vhonala hu si tshithu, musi ri tshi swika magumoni a ndila.” Kha ri zwime iyo khandiso ya milenzhe ya malofha. Itonu elelwa, dzikhonani, “Miñavha yo no ḥanzwiha kha khandiso ya milenzhe ya uyo Mutsinda vhugabeloni ha Galilea; huno ilo ipfi lo kwanyeledzaho magabelo a vhuhalu, a li tsha do pfiwa kha la Yuda. Fhedzi ndila ya uyo Mugalilea muthihi, nga dakalo nga

maanda ndi a tevhela namusi; huno u dinetisa ha ndila hu do vhona la hu si tshithu, musi ndi tshi swika magumoni a ndila.”

¹²³ Kha itshi tshipida tsha u thoma tsha Luñwalo lwe nda lu vhala, lwe A nnea lwone, ndo vha ndi muthannga, ndi tshi tou vha mutukana, ndo ima heneffo nn̄da, mahada e tswititi, khana yo poselwa nn̄da, shoko ya mavhudzi a songaho, matswu. Huno zwino ndi ima ndo kotamisa thoho na mahada, thoho i na phanda, wa mmvi, mukalaha wa miñwaha ya fuñhanuñhanu nga vhukale. Fhedzi U a difha musi maduvha a tshi fhira. Huno a tho ngo hana u ni divhadza Mafhungo-madifha oþhe a Yesu Kristo. Huno lutamo lwa mbilu yanga ndi u tangana na Tshivhidzo tshe A tshi fela, ndo ambara u luga ha Malofha A Ene mune, ndo ambara Ipfi Lawe na u luga ha Ipfi Lawe, ngauri Ipfi Lawe li nga si kundelwe na khathihi. Huno ngauralo-ha, ndi a divha uri arali ndi tshi do ima nga Ipfi huno nda vha wa ngoho kha Ipfi, huno arali Ipfi li tshi dzula kha nñe huno nñe kha Ene, nga ilo duvha ndi do takalela uri ndo dzula ndi wa ngoho.

¹²⁴ A thi divhī zwine vhumatshelo ha fara, fhedzi inwi ni a vhona hune ra vha hone, a ni ralo? Inwi ni a vhona uri ndi ngani muthu muñwe na muñwe a tshi ri, na kha vhañwe vha vhashumisani vhanga, ha pfi, “Malandu, Mukomana Branham ha tshe na mbvelaphanda.” Ni a vhona? Iina. “A hu tshe na mbvelaphanda tshoþhe.” Ni a vhona? “Ah, a ri pfi ho no itwa zwinzhi two engedzeaho.” Ni a vhona? Two luga, ri... Vha tou sa pfesesa, ndi zwenezwo fhedzi, vha tou sa zwi pfesesa. Ni a vhona?

¹²⁵ Ndi elekanya uri tshithu tshihulwane tshe Paulo a þoda, musi a tshi ri, “Tshifhinga tshanga tsho fhela zwino,” lutamo luhulwane lwa mbilu ya Paulo lwo vha lu lwa u vha mufelalutendo. Ulwo lwo vha lu lutamo lwa mbilu dzavho dzoþhe nga ayo maduvha. Arali vha... Naa no no vhala *Foxes's Book Of The Martyrs*, nahone na vhala na *The Nicene Council*? Khuliso khulwane ye ya kona u vha hone, musi vho fhambanaho (na Polycarp na vhañwe) vho tshimbila bakoni la dzindau, vho tavha mukosi nga dakalo. Vho tshimbila ngomu heneffo vha tshi divhā uri vha khou yo vha mufelalutendo. Musi vha tshi vhulawa nga u tou fhisiba, vho zhamba nga dakalo, u itela khuliso ya u vha mufelalutendo. Musi Paulo a tshi tshimbila a ya fhasi kha buloko ya u rema, u ri þohoh yawe i remiwe, a rangwa phanda a tshi bva kha iyo nn̄du ya dzhele, fhetu huñuku ha kale ha nga fhasi heneffo, kha buli li re kha luvhondo, he vha vha nae. Nda tshimbila fhasi heneffo, nda zwi sedza. Lufhera luñuku lwa nga fhasi murahu heneffo he vha valela muvhili wawe ngomu halwo. Huno zwino vha þoda u mu ita mukhethwa kana tshiñwe tshithu tshiñwe-vho. Tshigwada tshenetsho tshithihi tsha vhatu! Heneffo o tshimbila fhasi heneffo. A ri, “O lufu, naa luvholela lwau lu ngafhi? Tshalo, naa gundo lau li ngafhi? Fhedzi ndivhuwo kha Mudzimu A no ri nea gundo nga Murena

Yesu Kristo. Ndo lwa nndwa yavhuđi. Ndo vuledza mbambe. Ndo vhulunga Lutendo. Hu na khare yo vhetshelwaho nne, huno hu si nne fhedzi, fhedzi avho vhothe vha no funa u vhonala Hawe.”

¹²⁶ Ro tsela phasi kha ndimana ya vhu6 zwino, u ya kha ya vhu18. A thi divhī zwine ya do mmbalela zwone, fhedzi ndo tou ni redzela zwe ya vhalela vhanwe. Huno ndi khou yo isa phanda na u dzula ndi wa ngoho kha Ipfi u swika O no vuledza. Afho ndi hune mushumo wa vha hone ñamusi. A thi wa u sa bvela phanđa. Ndi fhulufhela uri ndo t̄anzwelwa ngomu. Izwo ndi zwone. Izwo zwe luga. Kha ri kotamise zwifhaļuwo zwashu zwino musi ri tshi rabela . . . ? . . .

¹²⁷ Hu na thambo t̄hukhu i no khou swika phasi i bvaho kha Khulunoni madekwana a ñamusi, i vhidzwa Lifeline. Musi ndi tshi khou rabela, ndi fhulufhela uri zwi kokodza muthu muňwe na muňwe a songo rembuluwaho ngomu hafha. Naa ni nga si swikele huno na i fara, khonani ya muitazwivhi? Inwi ni ri, “Mukomana Branham, inwi no ri ni khou kalaha, huno ndi a humbulela uri itsho ndi tshiitisi inwi ni . . .” Hai, mukomana, khaladzi. Musi ndo vha ndi tshi kha di vha mutukana mućuku, ndo tenda Ili. Ndi ñea vhutshilo hanga Khalo. Huno hu na u disola huthihi hune nda vha naho, a thi na nga nnđa ha vhutshilo vhuthihi vhune ndi nga ñea. Arali ndo vha ndi na matshilo a tshigidi ndo vha ndi tshi do t̄oda u Li ñea othe. Iina.

¹²⁸ Naa ni nga si fare Line musi I tshi fhira madekwana a ñamusi, ñđila yanu? Inwi ni ri, “Mukomana Branham, nne a tho ngo fanela u ī fara.” Ndi a divhī uri a no ngo tea, ñwana. Fhedzi inwi ni ya na ita tshinwe tshithu u vha o fanelaho, huno na mmbudza zwe na ita, ndi t̄oda u zwi ita, na nne-vho. A hu na tshithu tshireni nga ita u vha o fanelaho. Inwi no bebwa ni songo fanela. Hu na tshithu tshireni fhedzi tshireni nga ita, ni tou fara ñđila ye na itelwa yone. Inwi ni khou ñupela, ni songo ñupela kha izwo. Mudzimu o posa Lifeline, kha ri—kha ri swikelele huno ri i wane madekwana a ñamusi.

¹²⁹ Khotsi wa Tađulu, ndi a elelwa henefha kha iyi desiki nthihi, afha fhethu huthihi he nda amba nga ha ayo matsheloni, uri musi ndo kumedza tshividzo henefha kha aya mavu fhano. Huno ilo tombo la khuda li fhano, ndi kha di vha ndo fara tari li bvaho Bivhilini le nda ñwala izwo. Ndo ri, “Murena Yesu, nga tshilidzi Tshau ndi do dzula ndi wa ngoho kha Ipfi.” Huno zwino ndi a vhona uri tsho bveledza kokotolo fhedzi zwe tsha ita nga zwinwe zwifhinga. Huno hafha ndi hone kha iyi thaberenakele madekwana a ñamusi, nga murahu ha u enda shangoni, murahu hafhu, huno tombo la khuda li tuku li kha di vha henefha huno bammbiri li nga ngomu halo. Nt̄ole, Murena Mudzimu. Ndo ita khakho nnzhi. Ndo—ndo khakha, Murena. Zwifhinga zwinzhi ndo U kundela, vhunga ndo t̄anziela tshikhathinyana tsho fhiraho nga ha u kundelwa. Mudzimu, nne—nne, nga u

ṭavhanya vhunga ndi tshi zwi ita, ndi—ndi—ndi ḥoda khangwelo. Mbiluni yanga ndi a U funa. Ndi—ndi a divha uri Wo ntsumbedza zwa zwenezwino nga ha afho fhethu hune ra khou ya hone. A thi divhi uri Wo fhedza nga nne lini zwino, Murena. Ndi—ndi fhano madekwana a ɬamusi, ndi. . . nga tshilidzi Tshau. Huno a—a thi divhi uri U do fhedza lini, fhedzi ndi a divha uri izwi zwo da kha izwi. Fhedzi musi hu tshi da itsho tshifhinga, a—a thi ḥodi u vha goswi. Ndi ḥoda u ima vhunga vhañwe vhoþhe vho ima. Fhedzi, Mudzimu, arali—arali—arali ndi tshi do tea u pfunela vhuñanzi hanga nga vhuñshilo hanga, kana tshiñwe na tshiñwe tshi no tea u itwa, Murena, tshi nee khare tshifhingani itsho. Hu si u ɬea nne khare; ɬea mushumo khare we nda u rera, Murena, ndi Ipfi Lau. Huno ndi a divha uri iþo Ipfi li fhira u kona u mvusa hafhu kha muuwo. Huno a thi na ɬhoni nga Ipfi le nda li rera, ngauri Ndi maanda a Mudzimu u ya kha tshidzo kha vhanzhi vha no tenda.

¹³⁰ Ndi a U livhuwa nga nthani ha tshivhidzo tshiñuku tshi tshi kha di vha tsho ima hafha ɬamusi. Musi ndi tshi dzhia uvho vhuimo ha Ipfi, vhaporofita vho porofita huno vha ri, “Nga miñwedzi ya rathi tshi do shanduka tsha vha giratshi.” Miñwaha ya furaru yo no fhira, tshi kha mulilo lwo engedzeaho u fhira tshe tsha vha zwone kha miñwaha. “Kha ili tombo Ndi do fhaþa Tshivhidzo Tshanga.” Ri a U livhuwa nga nthani ha mufunzi washu. Ri a U livhuwa nga nthani ha madikonî, vhalangandaka. Rine roþhe ri na tshipida tshiñuku tshine ri nga tamba, Murena, huno ri ḥoda u tshi tamba nga u fulufhedzea, ri ḥoda u tshi tamba nga ndila yone.

¹³¹ Hu nga di vha na vhañwe ngomu hafha vha no ḥoda u vha mirado yashu madekwana a ɬamusi, Murena. Huno ndila ine vha vha mirado yatsho, ndi u tou fara iyi Lifeline ɬukhu huno vha kokodza, vha I putela u mona na khundu dzavho, vha I putela u mona na mbilu dzavho, huno vha ri, “Zwino, Murena, kokodza, natakulele nthâ,” huno vha do da phanda huno vha penya sa musuku. Zwi tendele, Murena. Ri khou ḥoda itsho tshifhinga.

¹³² Ri a tenda uri izwo zwi tsini na magumo. Ri a vhona izwo vhunga ro vha ri tshi khou zwi funza hafha, Tshikhathi tsha Tshivhidzo tsha Laodikea zwino tshi kati, ri a vhona heneffo uri hu nga si vhe tshiñwe tshithu-vho tshi no bvelela nga nnða ha u Da ha Murena. Huno, Murena, naa uho a hu nga vhi khare khulwane ya Ipfi, u vhona Khare Yone ine i tshi da? Ndi do takalela u vha ndo ima hafha huno nda ri, “U heneffo, iyo ndi Ngwana.” Vhunga Yohane o ita. “Vhonani Ngwana ye ra i lindela, iyi ndi Yone.” Murena u do ṭavhanya u da kha thembele Yawe, a dzhia vhatu Vhawé nga U Takulelwa Taðulu.

¹³³ Ri ite uri ri luge, Khotsi. Tanzwa mbilu dzashu Malofhani Awe. Ri ḥambise huno u ri kunakise, uri Ipfi Lau li kone u dzula kha rine. Huno ngavhe ri tshi elelwa uri ri fanela u ita nga Ipfi, u itela uri Li fare huno li vhe na masiandoitwa. Tendela muitazwivhi muñwe na muñwe tshanduko. Fhaþutshedza

muñwe na muñwe a re ngomu hafha. Vhakhethwa, avho, vhañwe vha aya maswole a kale a vhūthogwa, Murena, vho vha vha tshi khou lwa nga thungo ya iyi line lwa miñwaha, vha tamba ngayo, vha amba nga hayo nahone vha i sea. Vha kha di bvela phanđa ngauri vha na Vhutshilo. Vha a ñivha We vha mu tenda, huno u a kwengweledzea uri U a kona u vhulunga izwo zwe vha zwi kumedza Khae. Ri a U livhuwa nga nthani ha izwo. Ri rabela uri U do fhodza vhalwadze vha re vhukati hashu. Dzhia zwivhi zwasnu zwoþhe na malwadze. Huno, Mudzimu Khotsi, wana vhugala kha Iwe muñe.

¹³⁴ Ndi na khonani nnzhi nga maanda dza vhūthogwa, Murena. Ndi—ndi a vha funa, huno ndi a ñivha uri vhañwe vhanna vha vha nadzo nga kha tshikhathi, na vhone-vho. Khonani dza vhūthogwa, khonani dzi funaho, vhaswa na vha kale, huno ri a vha funa nga mbilu dzashu dzoþhe. Zwino ri ite vha ngoho, Murena, u tou vha vha ngoho kha Ipfi, uri ri kone u þangana navho kha shango la khwine liñwe ðuvha hune ha sa do vha na vhūtngu kana mañtungu. Ri khou þoda u Da ha Murena, nga u tavhanya. Ri tenda uri U do da.

¹³⁵ Zwino fhaþutshedza a sa tendi hafha madekwana a ñamusi, Murena, huno ngavhe a tshi vha mutendi huno a þanganedza Iwe sa Mutshidzi wawe madekwana a ñamusi.

¹³⁶ Huno musi ro kotamisa zwifhaþuwo zwasnu, arali hu tshi do vha na muñwe hafha o kotamisaho þohoho yawe, naa ni do ri, “Mukomana Branham, fhasi-fhasi ngomu mibiluni yanga, ndi—ndi þoda u da magumoni a ndila yanga, ndi tshi khou lwa nndwa yavhudì. Ndi þoda u vha Mukriste. Ndi khou yo imissa tshanda tshanga.” Mudzimu a ni fhaþutshedze, huno Mudzimu a ni fhaþutshedze. Izwo ndi zwavhudì. Mudzimu a ni fhaþutshedze, inwi. “Ndi þoda u da magumoni a ndila yanga, na nndwa yavhudì murahu hanga. Ndi khou þanganedza Kristo zwa zwino. Ndi þoda Ene a tshi vha Muthusi wanga.” Zwo luga, Murena a ni fhaþutshedze. Mudzimu a ni fhaþutshedze, mufumakadzi ngei murahu. Izwo ndi zwavhudì. U—U a ni ñivha. Ndo guda zwo edanaho nga ha Ene kha miñwaha iyi yoþhe, i no þoda u swika ya furaru zwino murahu ha phuluphithi, ndo guda lwo edanaho nga Hae zwino u ñivha uri U ñivha mutshimbilo muñwe na muñwe une na ita. U vhona þongola. Mavhudzi a þohoho dzañu o vhaliwa. Ni a vhona, U ñivha zwoþhe nga hao. Inwi itonu imissa tshanda tshañu, huno ni zwi ambe, izwo ndi zwenezwo fhedzi zwine na tea u ita. Huno hu na maði o lugaho.

¹³⁷ Elelwani, naa ni ita mini? Inwi shandukani, tendani Mafhungo-maðifha, huno zwenezwo ni lovhedzwe. Naa u itelani—u itelani? Nga Dzina la Yesu Kristo, u itela khangwelo ya zwivhi zwañu. Uvho ndi vhūtanzi hañu, uri no ralo. Zwivhi zwañu zwi a þuwa musi ni tshi lovhedzwa; no zwi bula, huno ni a tenda. Naa ni nga si fare Lifeline zwino musi I tshi kokodza u buðekanya mbilu yañu, nahone i tshi ri, “Idani nga iyi ndila,

mufhiri. Tshimbilani na N̄ne, dzhiani tshifhambano Tshanga kha inwi. Gudani nga ha N̄ne, ndi wa vhulenda huno ndi mudziauditukufhadza mbiluni, huno mihwalo Yanga a i lemeli.” Itonu swikelela huno ni I fare.

¹³⁸ Naa ndi Vhakriste vhanngana vha re kha Ndila madekwana a qamusi, ngomu hafha, vho takalaho uri vho thoma tshifhinga tshilapfu tsho fhiraho? No no thoma, huno fhasi nga thungo ya ndila, ni tshi kha di da fhasi u yela magumoni. Ndi a rabela uri Mudzimu u do nea mushumo wañu khare, tshiñwe na tshinwe tshi re tshone. Hu nga di vha mufaramuña. Ndi rabela uri Mudzimu u do nea mushumo wañu khare. Hu nga di vha mureri. Hu nga di vha mudikoni. Hu nga di vha murađo zwawe. Hu nga di vha rabulasi. A thi ñivhi zwine zwa vha zwone. Tshiñwe na tshiñwe tshi re tshone, ngavhe Mudzimu a tshi nea vhutshilo hanu khare nga vhugala ha Ipfi Lawe, huno u Ða Hawe ha Vhuvhili hu takulela inwi ṭaqulu huno wa ni dzhia wa ni dzenisa kha linwe Shango hune na do tou pfa vhunga iyo khovhe thukhu yé nda amba nga hayo, i tshi bva kha vhutswu fhasi heneffo. Ni a vhona, no vha ni si nga yi n̄tha Hangei nga ulu lushaka lwa muvhili. Nahone no vha ni si nga yi n̄tha vhunga avha vhaendatshikhali, ni a vhona, inwi ni tea u vha kha thannge li re na mutsiko. Inwi a ni newi mutsiko wazwo. Fhedzi musi Mudzimu a tshi ni shandukisa, ni a newa mutsiko tshifhingani itso, ni khou yo dzenisa kha U Takulelwā ṭaqulu tshifhingani itsho. Musi izwi zwipfi zwa kale zwa lifhasi zwe no xela, huno no tuwa na ya phanda nga iyo ndila ya vhugala ya tshifhambano, ni tshi khou ya Hayani na Yesu.

¹³⁹ Zwino, Mudzimu Khotsi, ri a U livhuwa nga n̄thani ha izwi zwanda zwi no da n̄tha u itela u vha Vhakriste. Ndi a tenda uri vho zwi amba mbiluni dzavho. Ndi a vha rabelela, uri vha songo kundelwa nga tshiñwe tshifhinga. Huno arali vha tshi kundelwa, ngavhe nga u ṭavhanya vha tshi vha na uyo Muimeleli na Khotsi. Tshe nda guda u vha tshithu tshihulwane tsho raloho, Khotsi, uri musi ndi tshi ita khakho dzanga dzothe, zwenezwo ndi wana uri ndi na Muimeleli, nga u ṭavhanya, na Khotsi, nga kha Yesu Kristo. Huno ndi a vhuiswa murahu ngomu ha tshilidzi hafhu. Tshanda tshi funaho tsha Murena tshi a phumula, hu na Tshiñvahelo tsha malofha tshi re heneffo tshine nda bula u vha Mutshidzi wanga.

¹⁴⁰ Vhothe vha no lwala huno vha na thodea, ndi a rabela uri U do disedza thodea dzavho huno wa fhodza malwadze othe, Murena. Huno avho vha re fhano zwino vho dzulaho fhasi ha iyi ndodzo ya vhugala ya Muya Mukhethwa, vhunga ri tshi I pfa nga u ñifha nga maanqa i tshi shululela kha mimuya yashu.

¹⁴¹ Mudzimu Khotsi, Iwe u a ñivha zwe nda vha ndi tshi khou elekanya nga ha u da fhasi ndi tshi bva Canada lila ñuvha. Ndo elekanya, “Oo, nga ndila ine nda funa u dzenisa kha mvuseledzo ya fesheni ya kale hafhu, huno vhakhethwa vha Mudzimu fhedzi,

vha tshi khou imba, huno maanda a Mudzimu, a tshi khou wa.” Oo, nga ndila ine mbilu yanga ya zwi ḥuvha, Murena. Ngavhe hu tshi vha na mvuseledzo yo raloho kha iyi thaberenakele, oo, uri maanda a Mudzimu a do—a do tou shuluwela fhasi nga milambwana ya tshilidzi, a dzhena m̄biluni inwe na iñwe.

¹⁴² Ndi a U livhuwa nga n̄thani ha fhethu afha hu᠁ku, Murena. Ro vha ri sa koni u u vhulunga nga iyi ndila, ho vha tshilidzi Tshau tshe tsha hu vhulunga ha vha ha tshimuya. Huno zwino ndi a tenda, Murena, fhethu ha tshimuya nga maandesa hu᠁ku kha lushaka, hune nda hu ḫivha, hu henefha kha Tshi᠁raṭa tsha Eighth na Penn. Nga ndila ine nda U livhuwa nga n̄thani ha izwi, Murena! Ndi tshi ya ngomu zwivhidzoni huno nda zwi vhona zwi tshi rothola nahone zwi si na dzangalelo, huno vhasadzi vhe na tshivhindi nga maanda lune vha nga si kone u vhuya vha tswukuluwa, huno na “amene” kana muṭodzi u bvaho kha shama, kana tshithu, huno tshidzo i siho, hu si na tshithu fhedzi vha dzhoina tshivhidzo tshavho huno vha amba ndaela yavho. O Mudzimu, zwenezwo idani ngomu ha fhethu hu᠁ku hu difhaho hu dudelaho hune miliō ya fhaṭwa kha alitari inwe na inwe ya mbilu dzavho. Ndi khuthadzo-de iyi, Khotsi! Ndi khuthadzo-de nandi! Ndi a U livhuwa, Khotsi, huno ngavhe zwi tshi sala u swika kha u ḫa ha Murena Yesu. Ri fhaṭutshedze roṭhe zwino.

¹⁴³ Huno matshelo ndi Sabatha. Huno, Murena, nthuse nga matsheloni, arali hu diso ḫanga la u rera nga ha uho *U Vhalela*. Mudzimu, ngavhe ndi tshi kona u u disa nga ndila ine vhathu vha do u vhona, Murena. Huno zwino ngavhe vha tshi vhona tshiimo tsha mushumo, na uri u ngafhi, na zwine ra zwi lindela, na u ri ndi ngani tshiñwe na tshiñwe tshi tshi khou tshimbila nga ndila ine tsha khou ralo. Ngavhe vha tshi vhala kha ndimana ya vhu⁵ u ya phanda, huno zwenezwo vha limuha fhethu he ra ima hone.

¹⁴⁴ Huno zwino, Khotsi, ndi a rabela uri U do ri fhaṭutshedza huno wa ri nea vhuawelo havhuđi mivhilini yashu, huno wa ri vhuisa matshelo. Fhaṭutshedza avha vhathu vhothe vho imaho u mona na mbondo, huno vho ditika u bva kha mulenzhe muthihi u ya kha muiwe. Vhasadzi, vhanna vho ima nn̄da mvulani ngei nn̄da, na u mona na mafasitere, huno vho dzula mimodoroni, na hothe n̄tha na fhasi. Ndi rabela uri U do vha fhaṭutshedza, Murena. Ngavhe vha tshi ya hayani vhe na tshilidzi tsha Mudzimu m̄biluni dzavho. Ndi a rabela Dzinani la Yesu. Amene.

¹⁴⁵ Naa ni a p̄fesesa zwino? Vhalani u bva kha, ya u thoma, Timotheo ya Vhuvhili 2:4, Timotheo ya Vhuvhili 4, u bva kha ndimana ya vhu⁵ u ya fhasi, ni sa athu ya mmbetenī madekwana a ḫamusi, arali ni tshi kona, huno ni do vhona hune ra vha hone. Ndi ngani avho vhanna vho mu furalela? Ndi ngani vha songo da? Huno zwino itonu vhambedza uyo mushumo na zwine ra khou fhira khazwo ḫamusi. Vhambedzani pfunzo ya Paulo Mukhethwa. Elelwani kha tshithu tshi᠁ku tsha ṭadulu tshe nda

tshi vhona, nda ri, “Zwo luga, naa Paulo u do ima na vhathu vhawe?”

Vha ri, “Ee.”

¹⁴⁶ Nda ri, “Ndo rera lenelo Ipfi lithihi le a ita, ndo tou dzula kokotolo na Mafhungo-maqifha mathihi.”

¹⁴⁷ Huno vha dzimilioni vha posela zwanda zwavho ntha huno vha ri, “Ri ima kha Ilo.”

¹⁴⁸ Murena a ni fhaṭutshedze. Naa ni a Mu funa? [Tshivhidzo tshi ri, “Amene.”—Mudz.]

U swika ri tshi ḥangana! U swika ri tshi
ḥangana!

U swika ri tshi ḥangana!



TSHIPIDA TSHA ZWINO TSHA MUSHUMO WANGA TSV62-0908
(Present Stage Of My Ministry)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Swondaha, Khubvumedzi 8, 1962, Thaberenakejeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenda yo gandiswa huno ya phadhaladzwa nga vha Voice Of God Recordings.

TSHIVENDA

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org